



Broj: 02-1-01-673-32/16.
Zenica, 13.10.2016. godine

SKUPŠTINA
ZENIČKO-DOBOJSKOG KANTONA

05-03/13.10.16. C9

SKUPŠTINA ZENIČKO - DOBOJSKOG KANTONA			
Primljeno: 13. 10. 2016.			
Org. jed.	Broj	Prilog	Vrijednost
01-01-673-32			16

PREDMET: Akt sa 73. sjednice Vlade, dostavlja se

Poštovani,


u prilogu dostavljamo akt razmatran na 73. sjednici Vlade Zeničko-dobojskog kantona, održanoj dana 13.10.2016. godine, i to:

- Zaključak o utvrđivanju Amandmana I Vlade Zeničko-dobojskog kantona, na Prijedlog Odluke kojom se daje saglasnost na Statut Zavoda zdravstvenog osiguranja Zeničko-dobojskog kantona, broj: 01-100-2-16/16 od 28.07.2016. godine, utvrđene Zaključkom, broj: 02-02-15114/16 od 25.08.2016. godine.

S poštovanjem,

Dostavljeno:

1x Naslovu
1x a/a



SEKRETAR

Mirsad Kadić

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10), a u vezi sa članom 133. stav 2., članom 134. stav 5. i članom 139. stav 3. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13), na prijedlog Ministarstva zdravstva, Vlada Zeničko-dobojskog kantona, na 73. sjednici, održanoj 13.10.2016. godine, d o n o s i



ZAKLJUČAK

I.

Vlada Zeničko-dobojskog kantona utvrđuje Amandman I na Prijedlog Odluke, utvrđenog Zaključkom Vlade Kantona, broj: 02-02-15114/16 od 25.08.2016. godine, koji glasi:

„AMANDMAN I

U Prijedlogu Odluke utvrđene Zaključkom, broj: 02-02-15114/16 od 25.08.2016. godine, vrši se dopuna u nazivu tako što se iza riječi: “Odluka”, dodaje tekst: "o davanju saglasnosti na Statut Zavoda zdravstvenog osiguranja Zeničko-dobojskog kantona".

II.

Zaključak sa obrazloženjem upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- 02-17002 /16.
Datum, 13.10.2016. godine
Zenica

DOSTAVLJENO:

- ☒ 1x Stručna služba Skupštine,
- 1x Ministarstvo zdravstva,
- 1x Stručna služba Vlade,
- 1x a/a.



PREMIJER

Miralem Galijašević

OBRAZLOŽENJE

PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10) i članu 133. stav 2., članu 134. stav 5. i članu 139. stav 3. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/12).

RAZLOZI ZA DONOŠENJE

Vlada Zeničko-dobojskog kantona, donijela je Zaključak, broj: 02-02-15114/16 od 25.08.2016. godine, kojim je utvrdila Prijedlog Odluke, a koji se odnosi na Statut Zavoda zdravstvenog osiguranja Zeničko-dobojskog kantona.

Obzirom da utvrđeni Prijedlog Odluke nije imao naziv koji sadrži osnovne informacije o materiji koju uređuje, kako je to propisano članom 6. Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), na što je ukazala i Stručna služba Skupštine, a radi otklanjanja uočenog propusta, Vlada Kantona predlaže Amandman I, tako da se dopuni naziv Prijedloga Odluke i glasi „Odluka o davanju saglasnosti na Statut Zavoda zdravstvenog osiguranja Zeničko-dobojskog kantona“.

Bosna i Hercegovina
FEDERACIJA BOSNE I
HERCEGOVINE
ZENIČKO-DOBOJSKI KANTON
VLADA
Stručna služba Vlade



05-03/20.09.16. 68

Bosnia and Herzegovina
FEDERATION OF BOSNIA AND
HERZEGOVINA
ZENICA-DOBOJ CANTON
GOVERNMENT

Broj: 02-1-02-15114-2/16.
Zenica, 19.09.2016. godine

SKUPŠTINA ZENIČKO - DOBOJSKOG KANTONA			
Primljeno: 20.09.2016.			
Org. jed.	Broj	Prilog	Vrijednost
01-02-15114-2	16		

SKUPŠTINA ZENIČKO-DOBOJSKOG KANTONA
Stručna služba Skupštine

PREDMET: Obavijest o ispravci greške u dostavljenom aktu

Poštovani,

Našim aktom broj: 02-1-01-673-29/16. od 31.08.2016. godine dostavili smo Vam Prijedlog Odluke o davanju saglasnosti na Statut Zavoda zdravstvenog osiguranja Zeničko-dobojskog kantona, sa Zaključkom Vlade Zeničko-dobojskog kantona, broj: 02-02-15114/16 od 25.08.2016. godine.

Aktom Ministarstva zdravstva (Zahtjev za ispravku tehničke greške, broj gornji, od 19.09.2016. godine) obaviješteni smo da su nam dostavili primjerak potpisanog i ovjerenog Statuta ZZO donešenog od strane Upravnog odbora, na kome je na prvoj stranici greškom u desnom gornjem uglu odštampana riječ "PRIJEDLOG", iako se radi o tekstu Statuta koji je donio nadležni organ, tj. Upravni odbor Ustanove, te je isti potpisan i ovjeren.

Da je u pitanju očita greška vidi se i iz Odluke Upravnog odbora koju dostavljamo uprilogu, jer na sjednici Upravnog odbora donesen Statut, a ne Prijedlog Statuta.

Takođe, to je očito i iz popratnog akta resornog Ministarstva, koje je predložilo donošenje zaključka o davanju saglasnostina Statut, što je Vlada i prihvatila, te dala saglasnost na Statut, a ne Prijedlog Statuta ZZO.

I konačno, i dostavljenim Prijedlog Odluke kojim bi Skupština dala saglasnost na Statut takođe se predlaže davanje saglasnosti na Statut a ne na Prijedlog Statuta.

Uz izvinjenje za ovu grešku u dostavi materijala, i sa ciljem ispravljanja iste, dostavljamo ispravnu verziju Statuta te molimo da uvažite ovu korekciju.


S poštovanjem,

Prilog:

- kao u tekstu.

Dostavljeno:

1x Naslovu,
1x a/a.



SEKRETAR

Mirsad Kadić

2013



Broj: 11-02-15114-1/16.
Zenica, 19.09.2016.godine

ZENIČKO-DOBOJSKI KANTON
STRUČNA SLUŽBA VLADE

PREDMET: Zahtjev za ispravku tehničke greške
Veza: Naš dopis broj: 11-02-15114-1/16, od 08.09.2016.godine.

Vezano za naš dopis broj i datum veze kojim smo Vam dostavili Statut Zavoda zdravstvenog osiguranja Zeničko-dobojskog kantona, radi davanja saglasnosti Vlade i prosljeđivanja u skupštinsku proceduru, obavještavamo Vas da je na naslovnoj stranici došlo do štamparske greške, na način da je u gornjem desnom uglu napisano: „PRIJEDLOG“.

Radi ispravljanja navedene greške u prilogu dopisa Vam dostavljamo ispravljenju prvu stranicu Statuta i molimo Vas da uvažite navedenu ispravku.

S poštovanjem,

DOSTAVLJENO:

1 x Naslovu,
1 x a/a.



MINISTAR

Dr. Dragoljub Brenjo



**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

Broj: 01-100-2-16/16

Zenica, 28.07.2016. godine

Na osnovu članova 96. i 103. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 07/02, 70/08 i 48/11), člana 15. stav 1. alineja 2. i člana 23. stav 3. Zakona o osnivanju javne ustanove Kantonalni zavod za zdravstveno osiguranje ("Službene novine Zeničko-dobojskog kantona" broj: 11/97, 2/98 i 11/98), člana 69 Statuta Zavoda zdravstvenog osiguranja Zeničko-dobojskog kantona i na osnovu prijedloga i mišljenja Stručne službe broj: 01-100-2-16/16 od 28.07.2016. godine, Upravni odbor na svojoj drugoj sjednici održanoj dana 28.07.2016. godine, donio je

ODLUKU

I

Usvaja se Statut Zavoda zdravstvenog osiguranja Zeničko-dobojskog kantona.

II

Ova Odluka stupa na snagu danom donošenja.

DOSTAVLJENO

1x Direktor Zavoda

1x Pomoćnik direktora

2 x Služba za pravne i opće poslove (U.O.)

1x Služba za finansijske i računovodstvena poslove

1x Služba za sprovođenje zdravstvenog osiguranja
i analitičko-planske poslove

1x a/a



**PREDSJEDNIK
UPRAVNOG ODBORA**

1. Asim Jusupović, dipl. oec.

Asim Jusupović

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10) i člana 15. stav 1. alineja 2. Zakona o osnivanju Javne ustanove Kantonalni zavod za zdravstveno osiguranje ("Službene novine Zeničko-dobojskog kantona", broj: 11/97,2/08 i 11/98), Vlada Zeničko-dobojskog kantona na 67. sjednici održanoj 25.08.2016. godine, d o n o s i

ZAKLJUČAK

I

Daje se saglasnost na Statut Zavoda zdravstvenog osiguranja Zeničko-dobojskog kantona broj:01-100-2-16/16 od 28.07.2016. godine.


II

Zaključak stupa na snagu danom donošenja.

Broj: 02-02-16113 /16.
Datum, 25.08.2016. godine
Z e n i c a

DOSTAVLJENO:

1x Ministarstvo zdravstva,
1x Zavod zdravstvenog osiguranja (putem Ministarstva),
1x a/a.





Bosna i Hercegovina
Federacija Bosne i Hercegovine
Zeničko-dobojski kanton
Zavod zdravstvenog osiguranja Zeničko-dobojskog kantona

e-mail: kzzo.ze@bih.net.ba

Broj: 02-37-7791/16
Zenica, 29.07.2016. godine

MINISTARSTVO ZDRAVSTVA
ZENIČKO-DOBOJSKOG KANTONA

PREDMET: Statut Zavoda zdravstvenog osiguranja Zeničko-dobojskog kantona
- dostavlja se

U prilogu Vam dostavljamo Statut Zavoda zdravstvenog osiguranja Zeničko-dobojskog kantona usvojen na 2. sjednici Upravnog odbora Zavoda održanoj dana 28.07.2016. godine i Odluku Upravnog odbora broj: 01-100-2-16/16 od 28.07.2016. godine, te Vas molimo da isti proslijedite u dalju skupštinsku proceduru.

S poštovanjem!

DOSTAVLJENO:

1x Naslov
1x Služba za pravne i opće poslove
1x a/a



VD DIREKTOR

Mirzeta Subašić, dipl.oec.

Zenica, dr. A.A Borića 28B, tel: +387 32 401 070, fax: +387 32 401 075,
Depozitni račun - KM: IK Banka D.D. Zenica 1340100000002157, Regist. kod: Kantonalni sud Zenica pod brojem U/I-1081, ID
UIO: 218306150006 ID PU: 4218306150006, Porezni broj: 05003164,

Poslovnice ZZO:

Breza, Zavnobih-a 2 Tel: 032 789 180
Doboj-Jug, Matuzići bb Tel: 032 699 111
Kakanj, Alije Izetbegovića 50 Tel: 032 557 820
Maglaj, Ilijasa Smajlagića bb Tel: 032 609 151
Olovo, Branilaca Olova bb Tel: 032 828 050
Tešanj, Braće Pobrić bb Tel: 032 656 200

Zavidovići, Branilaca grada bb
Zenica, dr. A.Aska Borića 28b
Žepče, Ulica prva
Usora, Srednja Omanjska bb
Vareš, Zvijezda 6
Visoko, Branilaca Bosne 11

Tel: 032 877 767
Tel: 032 401 071
Tel: 032 880 606
Tel: 032 895 257
Tel: 032 849 070
Tel: 032 731 151

OBRAZLOŽENJE

Pravni osnov

Pravni osnov za donošenje Statuta sadržan je u članu 96. Zakona o zdravstvenom osiguranju ("Službene novine Federacije BiH", broj: 30/97, 7/02, 70/08 i 48/11), članu 15. stav 1. alineja 2. i člana 23. stav 3. Zakona o osnivanju javne ustanove Kantonalni zavod za zdravstveno osiguranje ("Službene novine Zeničko-dobojskog kantona", br. 11/97, 2/98 i 11/98), te člana 69. Statuta, broj: 01-100-37-545/08 od 18.02.2008. godine.

Članom 96. Zakona o zdravstvenom osiguranju regulisano je da Statut donosi Upravni odbor kantonalnog zavoda osiguranja uz saglasnost zakonodavnog tijela kantona.

Članom 103. Zakona o zdravstvenom osiguranju utvrđeno je da je Upravni odbor kantonalnog zavoda osiguranja pored ostalih nadležnosti nadležan za donošenje Statuta.

Članom 15. stav 1. alineja 2. i članom 23. stav 3. Zakona o osnivanju javne ustanove Kantonalni zavod za zdravstveno osiguranje utvrđeno je da Upravni odbor donosi Statut uz saglasnost Vlade i Skupštine.

Razlozi za donošenje

Statut Zavoda zdravstvenog osiguranja Zeničko-dobojskog kantona objavljen je u "Službenim novinama Zeničko-dobojskog kantona", broj: 19/99.

Upravni odbor Zavoda zdravstvenog osiguranja Zeničko-dobojskog kantona usvojio je 28.07.2016. godine novi Statut Zavoda zdravstvenog osiguranja Zeničko-dobojskog kantona.

Obrazloženje predloženih pravnih rješenja

Obzirom da je nakon stupanja na snagu Statuta došlo do usvajanja novih i izmjene postojećih propisa radi usaglašavanja sa istim u predloženom tekstu Statuta su izvršene odgovarajuće korekcije.

Preambula je usaglašena sa izmjenama i dopune Zakona o zdravstvenom osiguranju koje su usvojene nakon donošenja Statuta.

U članu 1. Statuta definisano je šta se statutom uređuje kako je regulisano članom 96. Zakona o zdravstvenom osiguranju, a to je da se Statutom kantonalnog zavoda osiguranja utvrđuje naročito organizacija kantonalnog zavoda osiguranja, prava, obaveze i odgovornosti organa upravljanja, javnost rada, način obavljanja stručno administrativnih, pravnih i njima sličnih poslova, kao i druga pitanja propisana zakonom od značaja za rad kantonalnog zavoda osiguranja.

Članovi od broja 2. do broja 7. definišu osnivanje, svojstvo i status Zavoda, način obezbjeđivanja sredstava za rad Zavoda, odgovornost zavoda prema trećim licima i regulisanje odnosa sa zdravstvenim ustanovama.

U članovima 8. 9. i 10. je definisana djelatnost Zavoda, naziv, sjedište te dat opis pečata i prijemnog štembilja.

Članovi 11.12. i 13. regulišu zastupanje i predstavljanje Zavoda.

Članovi 14.15. i 16. definišu organizaciju rada Zavoda u sjedištu i poslovnica.

U članu 16. se takođe vrši usaglašavanje Statuta sa odredbama Zakona o jedinstvenom sistemu registracije, kontrole i naplate doprinosa i Zakona o izmjenama i dopunama Zakona o zdravstvenom osiguranju u pogledu prijave na obavezno zdravstveno osiguranje i sticanja svojstva osiguranika.

U članu 18. su propisane nadležnosti Upravnog odbora u skladu sa Zakonom o zdravstvenom osiguranju i Zakonom o zdravstvenoj zaštiti ("Službene novine Federacije BiH", broj: 46/10).

Članovi od broja 19. do broja 25. regulišu način rada i odgovornost Upravnog odbora.

Članom 22. se preciznije definiše nadležnost za davanje ovlaštenja za zamjenu predsjednika Upravnog odbora u slučaju odsutnosti.

Član 26. reguliše nadležnost direktora.

Članom 28. se precizira određivanje zamjene direktora u slučaju njegove odsutnosti. obzirom da su Pravilnikom o unutrašnjoj organizaciji i sistematizaciji radnih mjesta u Stručnoj službi Zavoda utvrđena dva radna mjesta pomoćnika direktora.

Član 29. definiše potrebne posebne uslove za mjesto direktora u pogledu potrebnog radnog iskustva i iskustva na rukovodnim poslovima, te imenovanje direktora.

Član 30. reguliše odgovornost direktora.

Članom 31. je propisna procedura raspisivanja konkursa za izbor direktora.

Članovi od broja 32. do broja 35. regulišu osnivanje i nadležnost stručne službe.

Članovi broj 36. 37. i 38 regulišu postupak rješavanja o pravima osiguranih lica, te pružanje stručne pomoći.

Članovi 40. 41. i 42. regulišu planiranje obezbjeđivanja sredstava, sprovođenje i razvoj obaveznog zdravstvenog osiguranja.

Članovi od broja 43. do broja 53. regulišu donošenje Finansijskog plana i završnog računa, vođenje knjigovodstva i evidencija o finansijskom poslovanju i o sredstvima kantonalnog zavoda zdravstvenog osiguranja.

Članom 45. se takođe vrši usaglašavanje sa Zakonom o budžetima u Federaciji Bosne i Hercegovine o davanju saglasnosti na Finansijski plan.

Članom 54. reguliše se kontrola rada i poslovanja i obavljanja drugih poslova u vezi sa djelatnošću Zavoda.

Član 55. predstavlja usaglašavanje sa odredbama Zakona o budžetima u Federaciji Bosne i Hercegovine o internoj kontroli i internoj reviziji.

Članovi od broja 56. do broja 59. regulišu javnost rada Zavoda u skladu sa zakonom i novim Informacionim tehnologijama.

Članovi od broja 60. do broja 69 regulišu donošenje statuta i drugih općih akata, nadležnost za davanje saglasnosti na Statut, njegove izmjene i tumačenje.

Član 70. reguliše saradnju sa nadležnim organima Federacije, Kantona i drugim organima o pitanjima sprovođenja zdravstvenog osiguranja.

Članovi 71. i 72. regulišu prestanak primjene ranijeg Statuta, te stupanje na snagu i objavu Statuta u "Službenim novinama Zeničko-dobojskog kantona".

Sredstva

Donošenje Statuta Zavoda zdravstvenog osiguranja Zeničko-dobojskog kantona ne iziskuje angažovanje dodatnih finansijskih sredstava.



VD DIREKTOR

Sta Subašić, dipl. oec.

Na osnovu člana 96. i 103. stav 1. alineja 2. Zakona o zdravstvenom osiguranju ("Službene novine Federacije Bosne i Hercegovine", broj 30/97, 7/02, 70/08 i 48/11) i člana 15. stav 1. alineja 2. i člana 23. stav 3. Zakona o osnivanju Javne ustanove Kantonalni zavod za zdravstveno osiguranje ("Službene novine Zeničko-dobojskog kantona", broj 11/97, 2/98 i 11/98) Upravni odbor Zavoda zdravstvenog osiguranja Zeničko-dobojskog kantona na drugoj sjednici održanoj 28.07.2016. godine, uz saglasnost Vlade i Skupštine Zeničko-dobojskog kantona, donosi

STATUT

Zavoda zdravstvenog osiguranja Zeničko-dobojskog kantona

I Osnovne odredbe

Član 1.

Ovim Statutom u skladu sa Zakonom o zdravstvenom osiguranju i drugim zakonskim i podzakonskim propisima uređuju se djelatnost, sjedište i naziv Zavoda zdravstvenog osiguranja Zeničko-dobojskog kantona, (u daljem tekstu: Kantonalni zavod zdravstvenog osiguranja), zastupanje i predstavljanje Kantonalnog zavoda zdravstvenog osiguranja, organizacija, prava, obaveze i odgovornosti organa upravljanja i rukovođenja Kantonalnog zavoda zdravstvenog osiguranja, stručna služba Kantonalnog zavoda zdravstvenog osiguranja, rješavanje o pravima iz obaveznog zdravstvenog osiguranja, planiranje, finansiranje i finansijsko poslovanje i kontrola sprovođenja obaveznog zdravstvenog osiguranja, javnost rada, donošenje statuta i drugih općih akata Kantonalnog zavoda zdravstvenog osiguranja, tumačenje Statuta i drugih općih akata, saradnja sa organima i organizacijama i druga pitanja od značaja za sprovođenje obaveznog zdravstvenog osiguranja.

Član 2.

Kantonalni zavod zdravstvenog osiguranja osnovan je Zakonom o osnivanju javne ustanove Kantonalni zavod za zdravstveno osiguranje ("Službene novine Zeničko-dobojskog kantona", broj: 11/97, 2/98 i 11/98).

Sredstva za rad Kantonalnog zavoda zdravstvenog osiguranja osiguravaju se iz doprinosa za zdravstveno osiguranje, iz budžeta Kantona i drugih izvora.

U Kantonalnom zavodu zdravstvenog osiguranja prikupljaju se sredstva doprinosa iz plaća i na plaće zaposlenika kod pravnih i fizičkih lica, i ostvaruju:

- prava i obaveze iz obaveznog zdravstvenog osiguranja na načelima uzajamnosti i solidarnosti u okviru Kantona, odnosno Federacije BiH (u daljem tekstu: Federacija), u skladu sa Zakonom o zdravstvenom osiguranju, drugim zakonima, podzakonskim propisima, propisima kantona i općim aktima Kantonalnog zavoda zdravstvenog osiguranja,
- prava i obaveze iz proširenog zdravstvenog osiguranja u skladu sa propisima Skupštine Zeničko-dobojskog kantona.

Radi dostupnosti osiguranim licima, Kantonalni zavod zdravstvenog osiguranja organizuje Poslovnice za teritoriju općina: Breza, Doboju-Jug, Kakanj, Maglaj, Olovo, Tešanj, Usora, Vareš, Visoko, Zavidovići, Zenica i Žepče.

Član 3.

Kantonalni zavod zdravstvenog osiguranja je pravno lice sa pravima, obavezama i odgovornostima utvrđenim Zakonom o zdravstvenom osiguranju, Zakonom o osnivanju Javne

ustanove Kantonalni zavod za zdravstveno osiguranje, drugim zakonima i podzakonskim propisima, kantonalnim propisima, ovim statutom i drugim općim aktima Kantonalnog zavoda zdravstvenog osiguranja i upisuje se u sudski registar.
Kantonalni zavod zdravstvenog osiguranja ima žiro račun u sjedištu, a u Poslovnicama ima dnevni akreditiv.

Član 4.

Sredstva za ostvarivanje prava iz člana 2. stav 2. Statuta obezbjeđuju se na način uređen zakonom i evidentiraju se u posebnim fondovima prema Zakonu o zdravstvenom osiguranju, čije se poslovanje vodi odvojeno i koriste namjenski.

U Kantonalnom zavodu zdravstvenog osiguranja vrši se kontrola u obezbjeđivanju sredstava, njihovom evidentiranju, finansijskom poslovanju, korištenju i ostvarivanju prava.

Za obaveze prema trećim licima Kantonalni zavod zdravstvenog osiguranja odgovara svim svojim sredstvima-potpuna odgovornost.

Član 5.

Odnosi između Kantonalnog zavoda zdravstvenog osiguranja i zdravstvenih ustanova koje pružaju zdravstvene usluge osiguranim licima i privatnih zdravstvenih radnika regulišu se ugovorom koje zaključuje Kantonalni zavod zdravstvenog osiguranja sa ustanovama u skladu sa zakonom, podzakonskim propisima i općim aktima Kantonalnog zavoda zdravstvenog osiguranja.

Član 6.

Kantonalni zavod zdravstvenog osiguranja ima prava i obaveze u obezbjeđivanju i korištenju sredstava obaveznog zdravstvenog osiguranja u skladu sa zakonom.

Član 7.

Radi obavljanja poslova sprovođenja obaveznog zdravstvenog osiguranja i drugih vrsta zdravstvenog osiguranja, Kantonalni zavod zdravstvenog osiguranja obrazuje stručnu službu.

II Djelatnost, sjedište, naziv

Član 8.

Djelatnost Kantonalnog zavoda zdravstvenog osiguranja uređena je Zakonom o zdravstvenom osiguranju, Zakonom o osnivanju JU Kantonalni zavod za zdravstveno osiguranje, Zakonom o zdravstvenoj zaštiti, drugim zakonskim i podzakonskim propisima, kantonalnim propisima, Statutom i drugim općim aktima Kantonalnog zavoda zdravstvenog osiguranja.

Član 9.

Puni naziv Kantonalnog zavoda zdravstvenog osiguranja glasi:

"Bosna i Hercegovina
Federacija Bosne i Hercegovine
Zeničko-dobojski kanton
Zavod zdravstvenog osiguranja
Zeničko-dobojskog kantona"

Skraćeni naziv Kantonalnog zavoda zdravstvenog osiguranja glasi:

"Kantonalni zavod zdravstvenog osiguranja"

Sjedište Kantonalnog zavoda zdravstvenog osiguranja je u Zenici, ul.Dr.A.A.Borića 28 b.

Član 10.

Kantonalni zavod zdravstvenog osiguranja ima svoj pečat i prijemni štambilj.

Pečat je okruglog oblika, na kome je kružno upisan tekst:» "Bosna i Hercegovina, Federacija Bosne i Hercegovine, Zeničko-dobojski kanton, Zavod zdravstvenog osiguranja Zeničko-dobojskog kantona" u sredini vodoravno "Zenica", a ispod vodoravno upisanog sjedišta Kantonalog zavoda zdravstvenog osiguranja upiše se još i broj pečata.

Pečat se izrađuje u promjeru 50 mm, 20 mm i jedan pečat u promjeru 25 mm za Poslovnicu Zenica.

Prijemni štambilj je u obliku pravougaonika vličine 30 x 70 mm.U njegovom gornjem uglu urezan je tekst: "Zavod zdravstvenog osiguranja Zeničko-dobojskog kantona", a ispod toga u sredini: "Zenica".

U lijevom uglu je tekst: "primljeno", ispod toga oznaka "organizaciona jedinica", a u produžetku "broj" i "vrijednost". Ispod ovih oznaka u svakom pravougaoniku je upražnjen prostor za upisivanje odgovarajućih podataka na otisku štambilja.

I svaka Poslovnica ima svoj pečat.

Pečat je okruglog oblika, na kome je kružno upisan tekst: "Zavod zdravstvenog osiguranja Zeničko-dobojskog kantona", a u sredini vodoravno "Poslovnica _____" (navesti sjedište Poslovnice), a ispod vodoravno upisanog sjedišta Poslovnice upiše se još i broj pečata.

Odluku o broju pečata i štambilja, njihovoj upotrebi i čuvanju donosi direktor Kantonalnog zavoda zdravstvenog osiguranja, tako da pečate i štambilje čuvaju i njima rukuju samo ovlašteni radnici.

III Predstavljanje i zastupanje

Član 11.

Kantonalni zavod zdravstvenog osiguranja predstavlja i zastupa direktor Kantonalnog zavoda zdravstvenog osiguranja.

Član 12.

Direktor Kantonalnog zavoda zdravstvenog osiguranja ovlašten je da, u ime Kantonalnog zavoda zdravstvenog osiguranja, zaključuje ugovore i preduzima druge pravne radnje, kao i da zastupa Kantonalni zavod zdravstvenog osiguranja pred sudovima i drugim organima u okviru prava i odgovornosti koje proizilaze iz djelatnosti Kantonalnog zavoda zdravstvenog osiguranja.

Član 13.

Kantonalni zavod zdravstvenog osiguranja, po ovlaštenju direktora Kantonalnog zavoda zdravstvenog osiguranja, mogu zastupati i drugi radnici u poslovima iz svoje nadležnosti.

IV Organizacija Kantonalnog zavoda zdravstvenog osiguranja.

Član 14.

Prava, obaveze i odgovornosti koje proizilaze iz djelatnosti Kantonalnog zavoda zdravstvenog osiguranja ostvaruju se:

- u sjedištu Kantonalnog zavoda zdravstvenog osiguranja i
- u Poslovnicama Kantonalnog zavoda zdravstvenog osiguranja.

Član 15.

U sjedištu Kantonalnog zavoda zdravstvenog osiguranja vrši se ostvarivanje prava, obaveza i odgovornosti koje proizilaze iz djelatnosti Kantonalnog zavoda zdravstvenog osiguranja, izuzev prava, obaveza, odgovornosti koje su zakonskim i podzakonskim propisima, ovim Statutom i drugim općim aktima utvrđeni kao djelokrug Poslovnice Kantonalnog zavoda zdravstvenog osiguranja.

Član 16.

U Poslovnici Kantonalnog zavoda zdravstvenog osiguranja vrši se:

- prijava i odjava članova porodice osiguranih lica na teritoriji općine,
- izdavanje i ovjera isprave kojima se utvrđuje i dokazuje svojstvo osiguranog lica,
- ustanovljavanje i vođenje ličnih zdravstvenih kartona osiguranih lica (matična evidencija),
- ovjera i evidentiranje endoprotetskih i drugih ortopedskih pomagala, sanitarnih sprava i stomato-protetskih nadomjestaka i ortodonskih aparata,
- prijem, evidentiranje, ovjera i izdavanje obrazaca u vezi sa sprovođenjem međunarodnih sporazuma o socijalnom osiguranju u dijelu koji se odnosi na zdravstveno osiguranje,
- obezbjeđivanje i vođenje statističkih podataka o osiguranicima i osiguranim licima,
- vođenje evidencija o uplati doprinosa za obavezno zdravstveno osiguranje svih obveznika obračuna i uplate doprinosa za teritoriju općine,
- provjera statusa osiguranog lica u vezi sa rješavanjem zahtjeva za ostvarivanje prava iz obaveznog zdravstvenog osiguranja,
- kontrola, likvidacija i plaćanje, odnosno refundacija, naknada plata za vrijeme privremene spriječenosti za rad zbog bolesti ili povrede,
- evidencija izdatih lijekova osiguranim licima,
- izvršavanje i drugih prava, obaveza i odgovornosti koje su zakonskim propisima i općim aktima Kantonalnog zavoda zdravstvenog osiguranja prenesene u djelokrug Poslovnice Kantonalnog zavoda zdravstvenog osiguranja.

V Organi Kantonalog zavoda zdravstvenog osiguranja

1. Upravni odbor

Član 17.

Kantonalnim zavodom zdravstvenog osiguranja upravlja Upravni odbor Kantonalog zavoda zdravstvenog osiguranja. Mandat predsjednika i članova Upravnog odbora traje 4 godine.

Upravni odbor čine:

- tri člana iz reda osiguranika zdravstvenog osiguranja,
- dva člana iz reda poslodavca i
- četiri člana iz reda zdravstvenih radnika.

Član 18.

Pored poslova utvrđenih Zakonom o zdravstvenom osiguranju, Zakonom o osnivanju JU Kantonalni zavod za zdravstveno osiguranje i drugim zakonskim i podzakonskim propisima, Upravni odbor Kantonalog zavoda zdravstvenog osiguranja:

- donosi Poslovnik o radu Upravnog odbora,
- donosi program rada Upravnog odbora,
- odlučuje o zaključivanju, odnosno pristupanju dogovoru kantonalnih zavoda osiguranja iz člana 82. stav 4. Zakona o zdravstvenom osiguranju,
- razmatra izvještaj o korištenju sredstava dodijeljenih Kantonalnom zavodu zdravstvenog osiguranja na osnovu dogovora iz alineje 3. ovog člana,
- utvrđuje politiku korištenja sredstava obaveznog zdravstvenog osiguranja,
- donosi odluku o raspisivanju konkursa za popunu mreže zdravstvene djelatnosti iz člana 37. stav 1. i 2. Zakona o zdravstvenoj zaštiti,
- donosi odluke o zaključivanju ugovora Kantonalnog zavoda zdravstvenog osiguranja sa zdravstvenim ustanovama i privatnim zdravstvenim radnicima o pružanju zdravstvenih usluga, saglasno zakonskim i podzakonskim propisima,
- utvrđuje cijenu zdravstvenih usluga za poslove privatnih zdravstvenih radnika iz člana 179. Zakona o zdravstvenoj zaštiti,
- utvrđuje osnovicu za naknadu plaće osiguraniku iz člana 46, a u vezi sa članom 42. točka 3. do 5. Zakona o zdravstvenom osiguranju,
- odlučuje o neposrednom učešću osiguranih lica u snošenju pojedinih troškova korištenja zdravstvenog osiguranja (participacija) u skladu sa važećim propisima,
- donosi plan rada Kantonalnog zavoda zdravstvenog osiguranja,
- podnosi zahtjev za pokretanje postupka za ostvarivanje naknada koje se obezbjeđuju u slučaju nastupanja reosiguranih rizika,
- donosi opći akt o osnivanju i organizaciji stručne službe Kantonalnog zavoda zdravstvenog osiguranja,
- daje saglasnost na opći akt o sistematizaciji poslova i radnih zadataka i broju izvršilaca u stručnoj službi i druge opće akte kojim se uređuju odnosi u stručnoj službi, saglasno zakonskim propisima,
- donosi odluke o nabavci osnovnih sredstava potrebnih za rad stručne službe Kantonalnog zavoda zdravstvenog osiguranja, saglasno zakonskim propisima,
- donosi odluku o zaključivanju sporazuma kantonalnih zavoda osiguranja sa Zavodom zdravstvenog osiguranja i reosiguranja Federacije BiH (u daljem tekstu: Federalni zavod osiguranja i reosiguranja), saglasno stavu 2. i 3. člana 100. Zakona o zdravstvenom osiguranju,
- odlučuje o naknadi za obavljanje poslova iz djelokruga stručne službe i drugim međusobnim odnosima saglasno zakonskim propisima,
- donosi odluku o izboru pomoćnika direktora, na prijedlog direktora.

Član 19.

Upravni odbor radi i odlučuje na sjednicama.

Upravni odbor punovažno odlučuje, ako sjednici prisustvuje većina od ukupnog broja članova Upravnog odbora.

Upravni odbor donosi odluke većinom glasova ukupnog broja članova Upravnog odbora.

Član 20.

Predsjednik Upravnog odbora:

- saziva sjednice, predlaže dnevni red i predsjedava na sjednicama,
- potpisuje odluke i druge akte donesene na sjednici Upravnog odbora,
- stara se o primjeni Statuta, drugih općih akata i Poslovnika Upravnog odbora,
- stara se o blagovremenom izvršavanju programa rada Upravnog odbora,

- stara se o ostvarivanju saradnje Upravnog odbora sa Skupštinom Kantona, Vladom Kantona, Kantonalnim ministarstvom zdrvtva i drugim organima i organizacijama,
- vrši i druge poslove određene ovim Statutom, Poslovníkom Upravnog odbora i drugim općim aktima Kantonalog zavoda zdravstvenog osiguranja.

Član 21.

Predsjednik Upravnog odbora saziva sjednicu Upravnog odbora po svojoj inicijativi, na inicijativu Vlade Kantona, ministra, direktora Kantonalnog zavoda zdravstvenog osiguranja i najmanje 3 člana Upravnog odbora.

Član 22.

U slučaju odsutnosti, predsjednika Upravnog odbora zamjenjuje član Upravnog odbora koga ovlasti predsjednik Upravnog odbora.

Član 23.

Za svoj rad Upravni odbor je odgovoran Vladi Kantona.

Predsjednik Upravnog odbora za svoj rad odgovara Vladi Kantona, ministru i Upravnom odboru.

Član 24.

Poslovníkom o radu Upravnog odbora uređuje se način rada, pripremanje i održavanje sjednica, postupak predlaganja, rasprave, usaglašavanje i odlučivanja, prava, obaveze i odgovornosti članova Upravnog odbora, obrazovanje stalnih odbora i komisija Upravnog odbora, utvrđuje se njihov sastav, djelokrug, način izbora i rada, uređuje vođenje i izrada zapisnika, potpisivanje zapisnika i drugih akata Upravnog odbora i druga pitanja od značaja za rad Upravnog odbora.

2.Odbori i komisije

Član 25.

Za pripremanje i razmatranje općih i drugih akata i materijala iz djelokruga Upravnog odbora, za praćenje i sprovođenje utvrđene politike, općih i drugih akata kao i za proučavanje i razmatranje drugih pitanja u okviru djelokruga Kantonalog zavoda zdravstvenog osiguranja Upravni odbor može obrazovati stalne i povremene odbore i komisije.

Stalni odbori i komisije, njihov sastav, način izbora i djelokrug utvrđuje se Poslovníkom o radu Upravnog odbora, ako zakonom, podzakonskim ili drugim aktima i ovim statutom nije određeno drugačije.

Za obavljanje pojedinih povremenih zadataka iz svog djelokruga Upravni odbor može odlukom obrazovati komisije, utvrditi njihov sastav, djelokrug i imenovati članove.

3. Direktor Kantonalog zavoda zdravstvenog osiguranja

Član 26.

Direktor Kantonalnog zavoda zdravstvenog osiguranja:

- organizuje i rukovodi Kantonalnim zavodom,
- zastupa i predstavlja Kantonalni zavod prema trećim licima,

- organizuje rad i poslovanje Kantonalnog zavoda zdravstvenog osiguranja, kao i provođenje dogovora, sporazuma i ugovora koje je Kantonalni zavod zdravstvenog osiguranja zaključio ili im pristupio,
- stara se o blagovremenom obezbjeđivanju finansijskih sredstava potrebnih za sprovođenje obaveznog zdravstvenog osiguranja, o njihovoj namjenskoj upotrebi i o zakonitom, pravilnom i blagovremenom ostvarivanju prava osiguranih lica,
- daje naloge za izvršenje finansijskog plana Kantonalnog zavoda zdravstvenog osiguranja i drugih akata Upravnog odbora,
- stara se o pripremi svih akata i materijala čija je izrada u djelokrugu Kantonalnog zavoda zdravstvenog osiguranja, a koje razmatraju i o njima odlučuju organi vlasti, Upravni odbor Kantonalnog zavoda zdravstvenog osiguranja, odbori i komisije Upravnog odbora i druga tijela obrazovana na osnovu zakona, podzakonskih akata, Statuta i drugih općih akata Kantonalnog zavoda zdravstvenog osiguranja,
- donosi Pravilnik o unutrašnjoj organizaciji i sistematizaciji radnih mjesta u stručnoj službi Zavoda zdravstvenog osiguranja Zeničko-dobojskog kantona uz saglasnost Vlade Zeničko-dobojskog kantona i Upravnog odbora Zavoda zdravstvenog osiguranja Zeničko-dobojskog kantona,
- rješava o pravima iz obaveznog zdravstvenog osiguranja u prvom stepenu u skladu sa podzakonskim propisima,
- rukovodi radom stručne službe i donosi stručna uputstva u cilju zakonitog, pravilnog i blagovremenog obavljanja poslova,
- obrazuje radne grupe za izradu složenijih akata i materijala,
- stara se o pripremi i organizovanju sjednica Upravnog odbora te odbora i komisija Upravnog odbora Kantonalnog zavoda zdravstvenog osiguranja,
- sprovodi i organizuje izvršavanje odluka, zaključaka i drugih akata Upravnog odbora i njegovih odbora i komisija,
- odobrava nabavku materijala i drugih sredstava potrebnih za rad stručne službe u skladu sa finansijskim planom,
- stara se o ostvarivanju javnosti rada Kantonalnog zavoda zdravstvenog osiguranja, njegovih organa i stručne službe,
- donosi odluke o prijemu i raspoređivanju radnika na poslove i zadatke, i druge odluke u skladu sa zakonom i općim aktima Kantonalnog zavoda zdravstvenog osiguranja, ako zakonom ili općim aktom nije određeno drugačije,
- vrši i druge poslove koji su zakonom, podzakonskim propisima, Statutom i drugim općim aktima stavljeni u nadležnost direktora Kantonalnog zavoda zdravstvenog osiguranja.

Član 27.

Direktor Kantonalnog zavoda zdravstvenog osiguranja ima pravo i dužnost da prisustvuje sjednicama Upravnog odbora, njegovih odbora i komisija i drugih tijela, i da učestvuje u njihovom radu, ali bez prava odlučivanja. Direktor Kantonalnog zavoda zdravstvenog osiguranja je dužan da na zahtjev Upravnog odbora, odbora i komisija Upravnog odbora i drugih tijela daje objašnjenja i odgovara na pitanja iz svog djelokruga, djelokruga Kantonalnog zavoda zdravstvenog osiguranja i stručne službe.

Član 28.

Direktoru Kantonalnog zavoda zdravstvenog osiguranja pomažu u rukovođenju pomoćnici direktora i šefovi službi, svaki u okviru svog djelokruga rada, a u slučaju njegove odsutnosti ili spriječenosti za rad zamjenjuje ga pomoćnik kojeg ovlasti direktor.

Pomoćnika direktora, iz reda uposlenika koji ispunjavaju propisane uslove, postavlja Upravni odbor na prijedlog direktora.
Šefove službi i rukovodioce poslovnica postavlja direktor uz saglasnost Upravnog odbora.

Član 29.

Za direktora Kantonalnog zavoda zdravstvenog osiguranja može se imenovati lice koje pored općih uslova utvrđenih zakonom, ima visoku školsku spremu ekonomskog ili pravnog usmjerenja i 5 (pet) godina radnog iskustva u struci od čega najmanje 3 (tri) godine na rukovodnim poslovima.

Direktora Kantonalnog zavoda zdravstvenog osiguranja imenuje Vlada Kantona na prijedlog ministra na period od 4 godine.

Po isteku vremena iz stava 2. ovog člana isto lice može biti ponovo imenovano, odnosno izabrano za direktora Kantonalnog zavoda zdravstvenog osiguranja.

Član 30.

Direktor Kantonalnog zavoda zdravstvenog osiguranja za svoj rad odgovara Vladi Kantona i Upravnom odboru Kantonalnog zavoda zdravstvenog osiguranja.

Direktor može biti razriješen dužnosti i prije isteka vremena za koje je imenovan, odnosno izabran u slučajevima i pod uslovima utvrđenim zakonom.

Odluku o razrješenju iz stava 2. ovog člana donosi Vlada Kantona na prijedlog Ministra.

Član 31.

Proceduru raspisivanja konkursa za izbor direktora provodi Ministarstvo zdravstva u skladu sa Zakonom o ministarskim, Vladinim i drugim imenovanjima Federacije BiH ("Službene novine Federacije BiH" broj 12/03 i 34/03).

VI Stručna služba Kantonalnog zavoda zdravstvenog osiguranja

Član 32.

Radi obavljanja poslova obezbjeđenja obaveznog zdravstvenog osiguranja, odnosno radi obavljanja normativno-pravnih, analitičko-planskih, finansijsko-računovodstvenih, drugih stručnih, administrativnih, tehničkih i drugih poslova iz djelokruga Kantonalnog zavoda zdravstvenog osiguranja, Kantonalni zavod zdravstvenog osiguranja, osniva stručnu službu za teritoriju Zeničko-dobojskog kantona.

Član 33.

U sprovođenju obaveznog zdravstvenog osiguranja u stručnoj službi se:

- obavljaju poslovi u vezi sa obezbjeđivanjem sredstava za sprovođenje zdravstvenog osiguranja,
- stara o naplati doprinosa za obavezno zdravstveno osiguranje, odnosno vrši se odgovarajuća kontrola u cilju potpunog obuhvaćanja svih obveznika obračuna i uplate doprinosa za obavezno zdravstveno osiguranje, te redovne i potpune naplate tog doprinosa, o čemu se pripremaju odgovarajuće informacije za Upravni odbor Kantonalnog zavoda zdravstvenog osiguranja i obavljaju poslovi u postupku prinudne naplate doprinosa,

- rukuje sredstvima Kantonalnog zavoda zdravstvenog osiguranja saglasno zakonu, finansijskim planovima i drugim aktima Kantonalnog zavoda zdravstvenog osiguranja i odgovara za njihovu namjensku upotrebu,
- prati finansijsko poslovanje Kantonalnog zavoda zdravstvenog osiguranja i zdravstvenih ustanova, obavljaju analitičko-planski i finansijsko-računovodstveni poslovi, te vode propisane evidencije,
- obavljaju poslovi u vezi sa pripremom i zaključivanjem ugovora sa zdravstvenim ustanovama i privatnim zdravstvenim radnicima, pružanjem zdravstvenih usluga osiguranim licima, te poslovi u vezi praćenja, analiziranja, izvještavanja o zakonitom, pravilnom, kvalitetnom, blagovremenom i potpunom izvršavanju zaključenih ugovora,
- obavljaju poslovi u vezi izrade podzakonskih propisa iz oblasti obaveznog zdravstvenog osiguranja, Statuta i drugih općih akata Kantonalnog zavoda zdravstvenog osiguranja i stručne službe, učešća u izradi dogovora, sporazuma i ugovora koje zaključuje ili im pristupa Kantonalni zavod zdravstvenog osiguranja,
- obavljaju poslovi u vezi sa neposrednim učešćem osiguranih lica u snošenju pojedinih troškova korištenja zdravstvenog osiguranja (participacija),
- obavljaju poslovi izrade analiza, programa, planova i izvještaja koji proizilaze iz djelatnosti Kantonalnog zavoda zdravstvenog osiguranja,
- obavljaju poslovi pripreme odgovarajućih materijala u vezi sa ostvarivanjem prava i obaveza po osnovu obaveznog zdravstvenog osiguranja,
- obavljaju svi stručni, administrativni i pomoćni tehnički poslovi u vezi sa obezbjeđivanjem rada i radom organa Kantonalnog zavoda zdravstvenog osiguranja,
- obavljaju poslovi u vezi sa rješavanjem o pravima osiguranih lica iz obaveznog zdravstvenog osiguranja u prvom i drugom stepenu u skladu sa Zakonom o zdravstvenom osiguranju, drugim zakonskim i podzakonskim propisima i općim aktima Kantonalnog zavoda zdravstvenog osiguranja, vrše odgovarajuće isplate i ostali poslovi u vezi sa ostvarivanjem prava iz obaveznog zdravstvenog osiguranja, o čemu se sačinjavaju informacije,
- vrše poslovi u vezi sprovođenja međunarodnih sporazuma o socijalnom osiguranju u dijelu koji se odnosi na obavezno zdravstveno osiguranje za teritoriju kantona,
- vrše poslovi u vezi obezbjeđivanja zdravstvene zaštite u inostranstvu i u vezi sa upućivanjem osiguranih lica na liječenje u inostranstvo u skladu sa propisima,
- vode propisane evidencije i statistika o osiguranicima i osiguranim licima sa podacima potrebnim za sprovođenje i obezbjeđenje kontrole ostvarivanja prava iz obaveznog zdravstvenog osiguranja,
- koordiniraju poslovi na uvođenju i funkcionisanju informacionog sistema u obaveznom zdravstvenom osiguranju,
- obavljaju poslovi u postupku naknade štete Kantonalnom zavodu zdravstvenog osiguranja,
- obavljaju poslovi u vezi sa pokretanjem i učešćem u prekršajnom postupku u slučajevima predviđenim zakonom,
- vrši praćenje i kontrola ukupnog rada i poslovanja stručne službe Kantonalnog zavoda zdravstvenog osiguranja,
- vrše i drugi upravno-pravni, imovinsko-pravni, drugi stručni, tehnički i administrativni poslovi koji su stavljani u djelokrug stručne službe, zakonom, podzakonskim propisima i drugim općim aktima.

Član 34.

Stručna služba Kantonalnog zavoda zdravstvenog osiguranja, pored poslova iz člana 33. obavljat će poslove u vezi sa obezbjeđivanjem sredstava i sprovođenjem proširenog zdravstvenog osiguranja, ukoliko Skupština Kantona uvede ovo osiguranje.

Stručna služba na osnovu odluke Upravnog odbora Kantonalnog zavoda zdravstvenog osiguranja može obavljati poslove u vezi sa obezbjeđivanjem sredstava i sprovođenjem dobrovoljnog zdravstvenog osiguranja.

Član 35.

Radi obavljanja stručnih, administrativnih i drugih poslova Kantonalni zavod zdravstvenog osiguranja Odlukom osniva stručnu službu. Unutrašnja organizacija stručne službe utvrđuje se Pravilnikom kojeg donosi direktor uz saglasnost Upravnog odbora i Vlade Kantona.

Član 36.

O pravima osiguranih lica iz obaveznog zdravstvenog osiguranja u prvom stepenu rješava direktor Kantonalnog zavoda zdravstvenog osiguranja u skladu sa Zakonom o zdravstvenom osiguranju i Pravilnikom o načinu ostvarivanja prava iz obaveznog zdravstvenog osiguranja.

O pravima iz stava 1. ovog člana u drugom stepenu rješavaju organi obrazovani u skladu sa Pravilnikom o načinu ostvarivanja prava iz obaveznog zdravstvenog osiguranja.

O pravima iz obaveznog zdravstvenog osiguranja koja se ostvaruju u inostranstvu i o upućivanju osiguranih lica na liječenje u inostranstvo rješava se u skladu sa posebnim propisima.

U rješavanju o pravima osiguranih lica iz stava 1. i 3. ovog člana učestvuju stručni organi koji se obrazuju u skladu sa posebnim propisima.

Član 37.

O pravima osiguranih lica iz proširenog zdravstvenog osiguranja rješava se u skladu sa propisom Skupštine Kantona o uvođenju tog osiguranja.

Član 38.

O pravima osiguranih lica iz dobrovoljnog zdravstvenog osiguranja rješava se u skladu sa aktom o uvođenju tog osiguranja.

Član 39.

U postupku ostvarivanja prava iz člana 36., 37. i 38. ovog Statuta, stručna služba Kantonalnog zavoda zdravstvenog osiguranja obezbjeđuje osiguranim licima stručnu pomoć.

VIII Planiranje

Član 40.

Polazeći od neposrednih i trajnih interesa osiguranika i osiguranih lica, Upravni odbor Kantonalnog zavoda zdravstvenog osiguranja planira obezbjeđivanje sredstava, sprovođenje i razvoj obaveznog zdravstvenog osiguranja u skladu sa općim društveno-ekonomskim razvojem Federacije i Kantona u skladu sa zakonskim i podzakonskim propisima i općim aktima Kantonalnog zavoda zdravstvenog osiguranja.

Član 41.

Za ostvarivanje plana Kantonalnog zavoda zdravstvenog osiguranja za srednjoročni period, Upravni odbor Kantonalnog zavoda zdravstvenog osiguranja donosi program mjera krajem tekuće godine za narednu godinu.

Član 42.

Upravni odbor Kantonalnog zavoda zdravstvenog osiguranja donosi odluku o pripremanju i donošenju plana i utvrđuje rok za njegovo donošenje.

Direktor Kantonalnog zavoda zdravstvenog osiguranja je odgovoran za blagovremenu pripremu i donošenje plana, i obezbjeđivanje uslova za izradu valjane dokumentacione osnove i potrebnih analiza.

IX Finansiranje i finansijsko poslovanje

Član 43.

Sredstva potrebna za ostvarivanje prava iz obaveznog zdravstvenog osiguranja obezbjeđuju se u Kantonalnom zavodu zdravstvenog osiguranja doprinosima i iz drugih izvora utvrđenih zakonom i drugim propisima donesenim na osnovu zakona.

Član 44.

Finansijsko poslovanje Kantonalnog zavoda zdravstvenog osiguranja obuhvata izradu finansijskog plana prihoda i rashoda, ostvarivanje prihoda i izvršavanje rashoda, vođenje knjigovodstva i evidencija o finansijskom poslovanju i o sredstvima Kantonalnog zavoda zdravstvenog osiguranja i sastavljanje završnog računa Kantonalnog zavoda zdravstvenog osiguranja.

Član 45.

Finansijski plan i odluku o privremenom finansiranju donosi Upravni odbor Kantonalnog zavoda zdravstvenog osiguranja uz saglasnost Vlade i Skupštine.

Finansijski plan mora biti uravnotežen.

Ako ne postoje uslovi da se finansijski plan donese prije početka godine na koju se odnosi, finansiranje se vrši privremeno, najduže za tri mjeseca.

Član 46.

Finansijski plan se sastoji iz općeg i posebnog dijela.

Opći dio finansijskog plana sadrži: ukupan iznos predviđenih prihoda i predviđenih rashoda za utvrđene namjene, rezerve, odredbe o pravima, obavezama kao i mjerama za izvršavanje finansijskog plana i održavanje njegove ravnoteže.

Posebni dio finansijskog plana sadrži prihode po izvorima i rashode po bližim namjenama.

Član 47.

Završni račun se sastoji od općeg i posebnog dijela.

Opći dio završnog računa sadrži ukupan iznos ostvarenih prihoda i izvršenih rashoda po utvrđenim namjenama, razliku između ostvarenih prihoda i izvršenih rashoda, ako razlika nastane, i odredbe o rasporedu viška prihoda, odnosno o pokriću viška rashoda.

Posebni dio završnog računa sadrži planom predviđene i ostvarene prihode po izvorima i vrstama, i planom predviđene i izvršene rashode po bližim namjenama.

Član 48.

Ako Kantonalni zavod zdravstvenog osiguranja po periodičnom obračunu iskaže nepokrivene rashode, Upravni odbor je dužan da preduzme odgovarajuće mjere za otklanjanje gubitka u skladu sa zakonom, a ako iskaže nepokrivene rashode po završnom računu, dužan je da sačini program mjera za pokriće gubitka, odnosno druge mjere za obezbjeđenje uravnoteženog poslovanja.

Član 49.

Kantonalni zavod zdravstvenog osiguranja obrazuje sredstva rezerve najmanje u visini propisanoj zakonom.

O korištenju sredstava rezerve odlučuje Upravni odbor u skladu sa zakonom.

Član 50.

Upravni odbor razmatra izvještaje o finansijskom poslovanju po periodičnom obračunu i završnom računu.

Član 51.

Direktor Kantonalnog zavoda zdravstvenog osiguranja može da odobri korištenje sredstava do iznosa utvrđenog finansijskim planom, a u skladu sa usvojenim planovima i odlukama Upravnog odbora i u okviru sredstava utvrđenih finansijskim planom.

Član 52.

Sredstva za rad Upravnog odbora, odbora, komisija, i stručne službe Kantonalnog zavoda zdravstvenog osiguranja obezbjeđuju se u finansijskom planu Kantonalnog zavoda zdravstvenog osiguranja.

Član 53.

Bliže odredbe o finansiranju i finansijskom poslovanju, knjigovodstvenim i drugim evidencijama, koje se vode u Kantonalnom zavodu zdravstvenog osiguranja, utvrđuju se općim aktima koji donosi Upravni odbor.

X Kontrola sprovođenja obaveznog zdravstvenog osiguranja

Član 54.

U Kantonalom zavodu zdravstvenog osiguranja vršit će se kontrola cjelokupnog rada i poslovanja, kao i obavljanja drugih poslova koji su u vezi sa djelatnošću Kantonalnog zavoda zdravstvenog osiguranja, a naročito:

- kontrola sprovođenja zakonskih i podzakonskih propisa te Statuta i općih i drugih akata Kantonalnog zavoda zdravstvenog osiguranja,
- Kontrola obavljanja poslova u vezi sa rješavanjem o pravima i ostvarivanjem prava iz obaveznog zdravstvenog osiguranja,
- Kontrola načina i ostvarivanja zdravstvene zaštite i odnosa zdravstvenih i ostalih radnika zdravstvenih ustanova prema osiguranim licima,

- Kontrola vrste, obima, kvaliteta, pravilnosti i blagovremenosti izvršavanja zdravstvenih usluga koje zdravstvene ustanove pružaju osiguranim licima po osnovu ugovora zaključenog sa Kantonalnim zavodom zdravstvenog osiguranja,
- Kontrola načina korištenja sredstava (da li se sredstva koriste prema namjenama utvrđenim zakonom, te da li je korištenje racionalno, cjelishodno, ekonomično i dr.),
- Kontrola obuhvata obveznika obračuna i uplate doprinosa, i kontrolu samog obračuna i uplate doprinosa,
- Kontrola finansijsko materijalnog poslovanja Zavoda provodi se od strane externalnih i internalnih organa. Internalnu reviziju kontinuirano provode kontrolori i revizor Zavoda.

Član 55.

Radi ostvarivanja kontrole sprovođenja obaveznog zdravstvenog osiguranja u Kantonalnom zavodu zdravstvenog osiguranja sprovodi se internalna revizija koju, u skladu sa važećim propisima, obavlja Jedinica za internalnu reviziju.

XI Javnost rada Kantonalnog zavoda zdravstvenog osiguranja I ostvarivanje prava pristupa informacijama

Član 56.

Rad Kantonalnog zavoda zdravstvenog osiguranja je javan.

Javnost rada Kantonalnog zavoda zdravstvenog osiguranja obezbjeđuje se:

- objavljivanjem Statuta Kantonalnog zavoda zdravstvenog osiguranja i ostalih općih akata Kantonalnog zavoda zdravstvenog osiguranja u "Službenim novinama Zeničko-dobojskog kantona" i objavljivanjem statuta na web stranici Kantonalnog zavoda zdravstvenog osiguranja,
- po potrebi, obavještavanjem putem javnog informisanja o radu Kantonalnog zavoda zdravstvenog osiguranja u vezi sa sprovođenjem obaveznog zdravstvenog osiguranja, načinom ostvarivanja prava osiguranih lica, sprovođenjem ugovora Kantonalnog zavoda zdravstvenog osiguranja sa zdravstvenim ustanovama o pružanju zdravstvenih usluga i dr.,
- podnošenjem izvještaja o radu Kantonalnog zavoda zdravstvenog osiguranja,
- organizovanjem i provođenjem rasprave o nacrtima općih akata, te
- omogućavanjem predstavnicima javnog informisanja da prisustvuju sjednicama Upravnog odbora Kantonalnog zavoda zdravstvenog osiguranja i dr.

Član 57.

U Kantonalnom zavodu zdravstvenog osiguranja mogu se organizovati konferencije za štampu i izdavati saopštenja za štampu i druga sredstva javnog informisanja.

Član 58.

Upravni odbor može da utvrdi i druge oblike ostvarivanja javnosti rada Kantonalnog zavoda zdravstvenog osiguranja, njegovih organa i stručne službe.

Za ostvarivanje javnosti rada Kantonalnog zavoda zdravstvenog osiguranja odgovorni su Upravni odbor i direktor Kantonalnog zavoda zdravstvenog osiguranja.

Član 59.

Kantonalni zavod zdravstvenog osiguranja će u svom radu osigurati svakoj pravnoj i fizičkoj osobi ostvarivanje prava pristupa informacijama koje posjeduje Kantonalni zavod zdravstvenog osiguranja na način, pod uslovima i postupku propisanim Zakonom o slobodi pristupa informacijama u Federaciji Bosne i Hercegovine ("Službene novine Federacije BiH", broj 32/01).

U cilju osiguranja propisanih uslova za ostvarivanje prava pristupa informacijama, direktor određuje odgovornu osobu za obradu zahtjeva za pristup informacijama, u skladu sa odredbama zakona iz stava 1.ovog člana.

XII Donošenje statuta i drugih općih akata Kantonalnog zavoda zdravstvenog osiguranja

Član 60.

Upravni odbor Kantonalnog zavoda zdravstvenog osiguranja u ostvarivanju prava, obaveza i odgovornosti Kantonalnog zavoda zdravstvenog osiguranja utvrđenih zakonom, pozakonskim propisima, Statutom i općim aktima Kantonalnog zavoda zdravstvenog osiguranja, donosi opće akte, finansijske planove, programe, odluke i druge akte.

Član 61.

Statut Kantonalnog zavoda zdravstvenog osiguranja donosi Upravni odbor uz saglasnost Vlade Kantona i Skupštine Kantona.

Član 62.

Donošenje, odnosno izmjene ili dopune Statuta Kantonalnog zavoda zdravstvenog osiguranja mogu predložiti:

- Vlada Kantona,
- Ministar,
- Predsjednik Upravnog odbora Kantonalnog zavoda zdravstvenog osiguranja,
- Direktor Kantonalnog zavoda zdravstvenog osiguranja,
- Jedna trećina članova Upravnog odbora

Inicijativu za donošenje, izmjenu ili dopunu Statuta Kantonalnog zavoda zdravstvenog osiguranja mogu da podnesu pravna ili fizička lica, osiguranici i osigurana lica i sindikat.

Upravni odbor je dužan razmotriti inicijativu i o svom stavu izvijestiti podnosioca.

Član 63.

Nacrt statuta Kantonalnog zavoda zdravstvenog osiguranja priprema direktor Kantonalnog zavoda zdravstvenog osiguranja i podnosi Upravnom odboru na razmatranje, odnosno odlučivanje.

Nacrt statuta upućuje se ministru zdravstva Kantona radi davanja mišljenja.

Upravni odbor može odlučiti da se Nacrt statuta Kantonalnog zavoda zdravstvenog osiguranja iznese na javnu raspravu.

U slučaju iz stava 3.ovog člana Upravni odbor odlučuje o širini, organizovanju i provođenju javne rasprave, te o rokovima za dostavu primjedbi, prijedloga i mišljenja.

Član 64.

Prijedlog statuta utvrđuje Upravni odbor Kantonalnog zavoda zdravstvenog osiguranja imajući u vidu primjedbe i prijedloge iz rasprave i mišljenje ministra.

Član 65.

Prijedlog statuta sa obrazloženjem, Upravni odbor Kantonalnog zavoda zdravstvenog osiguranja podnosi Vladi Kantona.

Vlada Prijedlog statuta proslijeđuje Skupštini Kantona na saglasnost.

Izmjene ili dopune Statuta Kantonalnog zavoda zdravstvenog osiguranja vrše se po postupku utvrđenom za njegovo donošenje.

Član 66.

Donošenje, izmjene ili dopune drugih općih akata Kantonalnog zavoda zdravstvenog osiguranja vrše se u skladu sa Statutom.

Upravni odbor može odlučiti da se na javnu raspravu iznesu nacrti općih akata kojima se uređuju prava i obaveze osiguranika i osiguranih lica kao i način njihovog ostvarivanja.

Član 67.

Statut i drugi opći akti kojima se utvrđuju prava i obaveze osiguranika i osiguranih lica kao i način njihovog ostvarivanja objavljuju se u "Službenim novinama Zeničko-dobojskog kantona".

Član 68.

Statut i drugi opći akti Kantonalnog zavoda zdravstvenog osiguranja stupaju na snagu osmog dana od dana objavljivanja.

Izuzetno od stava 1. ovog člana, ako postoje naročito opravdani razlozi, opći akti stupaju na snagu narednog dana od dana objavljivanja.

Član 69.

Tumačenje odredaba Statuta i drugih općih akata Kantonalnog zavoda zdravstvenog osiguranja daje Upravni odbor.

XIII Saradnja sa drugim organima i organizacijama

Član 70.

Direktor, pomoćnici direktora i Upravni odbor Kantonalnog zavoda zdravstvenog osiguranja u vršenju svojih funkcija ostvaruju saradnju sa nadležnim organima Federacije i Kantona i drugim organima i organizacijama u svim pitanjima sprovođenja obaveznog zdravstvenog osiguranja.

XIV Prelazne i završne odredbe

Član 71.

Danom stupanja na snagu ovog Statuta prestaje primjena Statuta Zavoda zdravstvenog osiguranja Zeničko-dobojskog kantona ("Službene novine Zeničko-dobojskog kantona" broj: 19/99 i 13/02).

Član 72.

Ovaj Statut, nakon što Skupština Zeničko-dobojskog kantona da saglasnost, stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-100-2- /16.
Zenica, 28.07.2016. godine



**PREDSJEDNIK
UPRAVNOG ODBORA**

Asim Kićo, dipl.oec.

Vlada Zeničko-dobojskog kantona dala je saglasnost na ovaj Statut svojim aktom broj: _____ od _____ godine.

Skupština Zeničko-dobojskog kantona dala je saglasnost na ovaj Statut na _____ sjednici od _____ 2016. godine, odlukom broj: _____.

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

Broj: 01-100-2-16/16

Zenica, 28.07.2016. godine

Na osnovu članova 96. i 103. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 07/02, 70/08 i 48/11), člana 15. stav 1. alineja 2. i člana 23. stav 3. Zakona o osnivanju javne ustanove Kantonalni zavod za zdravstveno osiguranje ("Službene novine Zeničko-dobojskog kantona" broj: 11/97, 2/98 i 11/98), člana 69 Statuta Zavoda zdravstvenog osiguranja Zeničko-dobojskog kantona i na osnovu prijedloga i mišljanja Stručne službe broj: 01-100-2-16/16 od 28.07.2016. godine, Upravni odbor na svojoj drugoj sjednici održanoj dana 28.07.2016. godine, donio je

ODLUKU

I

Usvaja se Statut Zavoda zdravstvenog osiguranja Zeničko-dobojskog kantona.

II

Ova Odluka stupa na snagu danom donošenja.

DOSTAVLJENO

1x Direktor Zavoda

1x Pomoćnik direktora

2 x Služba za pravne i opće poslove (U.O.)

1x Služba za finansijske i računovodstvena poslove

1x Služba za sprovođenje zdravstvenog osiguranja
i analitičko-planske poslove

1x a/a



Na osnovu člana 103. stav 1. alineja 2. Zakona o zdravstvenom osiguranju («Službene novine Federacije BiH», broj 30/97) i člana 65. Statuta Zavoda zdravstvenog osiguranja Zeničko-dobojskog kantona («Službene novine ZE-DO kantona», br. 19/99), Upravni odbor Zavoda zdravstvenog osiguranja Zeničko-dobojskog kantona, na svojoj 13. sjednici, održanoj 19. 06. 2002. godine, donosi:

ODLUKU
o izmjenama i dopunama Statuta
Zavoda zdravstvenog osiguranja Zeničko-dobojskog kantona

Član 1.

U članu 2. stav 1. Statuta Zavoda zdravstvenog osiguranja Zeničko-dobojskog kantona («Službene novine ZE-DO kantona», br. 19/99), iza riječi »osnovan je«, brišu se riječi »Zakonom o zdravstvenom osiguranju« i zamjenjuju se riječima »Zakonom o osnivanju javne ustanove Kantonalni zavod za zdravstveno osiguranje («Službene novine ZE-DO kantona», br. 11/97, 2/98).

Član 2.

U članu 2., iza stava 1. dodaje se novi stav, koji glasi: "Sredstva za rad Zavoda osiguravaju se iz doprinosa za zdravstveno osiguranje, budžeta Kantona, i drugih izvora." Dosadašnji stavovi 2. i 3. postaju stavovi 3. i 4.

Član 3.

U članu 10. Statuta, iza riječi "uređena je" brišu se riječi "Zakonom o zdravstvenom osiguranju" i zamjenjuju se riječima "Zakonom o osnivanju JU Kantonalni zavod za zdravstveno osiguranje."

Član 4.

U članu 19. iza stava 1. dodaje se stav 2., koji glasi:

"Upravni odbor čine:

- tri člana iz reda osiguranika zdravstvenog osiguranja,
- dva člana iz reda poslodavca,
- četiri člana iz reda zdravstvenih radnika."

Član 5.

U članu 20. stav 1., iza riječi: "Zakonom o zdravstvenom osiguranju", dodaju se riječi "Zakonom o osnivanju JU Kantonalni zavod za zdravstveno osiguranje."

U stavu 1. alineja 12., iza zarez dodaju se riječi: "u skladu sa važećim propisima."

U stavu 1. alineja 20. briše se.

Član 6.

U članu 28. stav 1., iza dvotačke dodaju se alineja 1. i 2., koje glase:

- "organizuje i rukovodi Zavodom
- zastupa i predstavlja Zavod prema trećim licima."

Član 7.

U članu 31. stav 2. mijenja se i glasi:

“Direktora Kantonalnog zavoda zdravstvenog osiguranja imenuje Vlada Kantona, na prijedlog ministra, na period od 4 godine.”

Član 8.

U članu 32. stav 3., iza riječi “donosi” brišu se riječi “organ nadležan za imenovanje, odnosno izbor direktora” i umjesto njih dodaju se riječi: “Vlada Kantona, na prijedlog ministra.”

Član 9.

Član 36. mijenja se i glasi:


“Radi obavljanja stručnih, administrativnih i drugih poslova Kantonalni zavod zdravstvenog osiguranja osniva Odlukom stručnu službu.

Unutrašnja organizacija stručne službe Zavoda iz prethodnog stava utvrđuje se pravilnikom kojeg donosi direktor uz saglasnost Vlade Kantona.”

Član 10.

Ova Odluka stupa na snagu osmog dana od dana objavljivanja u “Službenim novinama ZE-DO kantona”.

Broj: 01-100-13/02
Zenica, 19.06. 2002.g.

PREDSJEDNIK
UPRAVNOG ODBORA

Dimitrijević Mirjana, pr.

226.

Temeljem članka 31. stavak 1. Zakona o srednjoj školi ("Službene novine Zeničko-dobojskog kantona", broj 5/97) Ministarstvo za obrazovanje, znanost, kulturu i šport Zeničko-dobojskog kantona, na prijedlog Pedagoškog zavoda, donosi

RJEŠENJE

o odobravanju Nastavnog plana i programa za treći i četvrti razred pedagoške gimnazije

I.

Odobrava se uporaba Nastavnog plana i programa za treći i četvrti razred pedagoške gimnazije.

II.

Ovo rješenje stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 12/03-38-750/99

08.09.1999. godine

Zenica

MINISTAR

Čelebić Kemal, s.r.

KANTONALNI ZAVOD ZDRAVSTVENOG OSIGURANJA

Na osnovu člana 103. stav 1. alineja 2. Zakona o zdravstvenom osiguranju ("Službene novine Federacije Bosne i Hercegovine", broj 30/97), Upravni odbor Zavoda zdravstvenog osiguranja Zeničko-dobojskog kantona, na sjednici održanoj 01.09.1999. godine, a uz prethodnu saglasnost Skupštine Zeničko-dobojskog kantona, donosi

STATUT

Zavoda zdravstvenog osiguranja Zeničko-dobojskog kantona

I Osnovne odredbe

Član 1.

Ovim statutom u skladu sa Zakonom o zdravstvenom osiguranju i drugim zakonskim i podzakonskim propisima uređuje se djelatnost, sjedište i naziv Zavoda zdravstvenog osiguranja Zeničko-dobojskog kantona, (u daljem tekstu: Kantonalni zavod zdravstvenog osiguranja), zastupanje i predstavljanje Kantonalnog zavoda zdravstvenog osiguranja, organizacija, prava, obaveze i odgovornosti organa upravljanja i rukovođenja Kantonalnog zavoda zdravstvenog osiguranja, stručna služba Kantonalnog zavoda zdravstvenog osiguranja, rješavanje o pravima iz obaveznog zdravstvenog osiguranja, planiranje, finansiranje i finansijsko poslovanje i kontrola sprovođenja obaveznog zdravstvenog osiguranja, javnost rada, donošenja statuta i drugih općih akata Kantonalnog zavoda zdravstvenog osiguranja, tumačenje statuta i drugih općih akata, saradnja sa organima i organizacijama i druga pitanja od značaja za sprovođenje obaveznog zdravstvenog osiguranja.

Član 2.

Kantonalni zavod zdravstvenog osiguranja osnovan je Zakonom o zdravstvenom osiguranju za teritoriju Zeničko-dobojskog kantona.

U Kantonalnom zavodu zdravstvenog osiguranja prikupljaju se sredstva doprinosa iz plaća radnika kod privatnih i fizičkih lica i ostvaruju:

- prava i obaveze iz obaveznog zdravstvenog osiguranja na načelima uzajamnosti, solidarnosti u okviru kantona, odnosno Federacije BiH (u daljem tekstu: Federacija), u skladu sa Zakonom o zdravstvenom osiguranju, drugim zakonima, podzakonskim propisima, propisima kantona i općim aktima Kantonalnog zavoda zdravstvenog osiguranja,
- prava i obaveze iz proširenog zdravstvenog osiguranja u skladu sa propisima Skupštine Zeničko-dobojskog kantona.

Radl dostupnosti osiguranim licima, Kantonalni zavod zdravstvenog osiguranja organizuje Poslovnice za teritoriju opština i to: Breza, Doboj-Jug, Kakanj, Maglaj, Olovo, Tešanj, Usora, Vareš, Visoko, Zavidovići, Zenica i Žepče.

Član 3.

Kantonalni zavod zdravstvenog osiguranja je pravno lice sa pravima, obavezama i odgovornostima utvrđenim Zakonom o zdravstvenom osiguranju, drugim zakonima i podzakonskim propisima, kantonalnim propisima, ovim statutom i drugim općim aktima Kantonalnog zavoda zdravstvenog osiguranja i upisuje se u sudski registar.

Kantonalni zavod zdravstvenog osiguranja ima žiro-račun u sjedištu, a u Poslovnicama ima dnevni akreditiv.

Član 4.

Sredstva za ostvarivanje prava iz člana 2. stav 2. statuta obezbjeđuje se na način uređen zakonom i evidentiraju se u posebnim fondovima prema Zakonu o zdravstvenom osiguranju čije se poslovanje vodi odvojeno i koriste namjenski.

U Kantonalnom zavodu zdravstvenog osiguranja vrši se kontrola u obezbjeđivanju sredstava, njihovom evidentiranju, finansijskom poslovanju, korištenju i ostvarivanju prava.

Za obaveze prema trećim licima Kantonalni zavod zdravstvenog osiguranja odgovara svim svojim sredstvima-potpuna odgovornost.

Član 5.

Odnosi između Kantonalnog zavoda zdravstvenog osiguranja i zdravstvenih ustanova koje pružaju zdravstvene usluge osiguranim licima i kod privatnih zdravstvenih radnika regulišu se ugovorom koje zaključuje Kantonalni zavod zdravstvenog osiguranja sa ustanovama u skladu sa zakonom, podzakonskim propisima i općim aktima Kantonalnog zavoda zdravstvenog osiguranja.

Član 6.

Kantonalni zavod zdravstvenog osiguranja ima prava i obaveze u obezbjeđivanju i korištenju sredstava

obaveznog zdravstvenog osiguranja u skladu sa propisom Parlamenta Federacije.

Član 7.

Radi obavljanja poslova sprovođenja obaveznog zdravstvenog osiguranja i drugih vrsta zdravstvenog osiguranja, ukoliko se uvedu u kantonu, Kantonalni zavod zdravstvenog osiguranja obrazuje stručnu službu.

Član 8.

U Kantonalnom zavodu zdravstvenog osiguranja se obezbjeđuje uvođenje i funkcionisanje informacionog sistema u obaveznom zdravstvenom osiguranju.

Član 9.

Rad Kantonalnog zavoda zdravstvenog osiguranja, njegovih organa upravljanja i rukovođenja i stručne službe je dostupan javnosti.

Javnost rada obezbjeđuje se na način utvrđen statutom i drugim aktima Kantonalnog zavoda zdravstvenog osiguranja.

II Djelatnost, sjedište, naziv

Član 10.

Djelatnost Kantonalnog zavoda zdravstvenog osiguranja uređena je Zakonom o zdravstvenom osiguranju, Zakonom o zdravstvenoj zaštiti, drugim zakonskim i podzakonskim propisima, kantonalnim propisima, statutom i drugim općim aktima Kantonalnog zavoda zdravstvenog osiguranja.

Član 11.

Puni naziv Kantonalnog zavoda zdravstvenog osiguranja glasi:

"Bosna i Hercegovina
Federacija Bosne i Hercegovine
Zeničko-dobojski kanton
Zavod zdravstvenog osiguranja
Zeničko-dobojskog kantona"

Skraćeni naziv Kantonalnog zavoda zdravstvenog osiguranja glasi:

"Kantonalni zavod zdravstvenog osiguranja"

Sjedište Kantonalnog zavoda zdravstvenog osiguranja je u Zenici, ul. Dr. A. A. Borića 28 b.

Član 12.

Kantonalni zavod zdravstvenog osiguranja ima svoj pečat i prijemni štambilj.

Pečat je okruglog oblika, na kome je kružno upisan tekst: "Bosna i Hercegovina, Federacija Bosne i Hercegovine, Zeničko-dobojski kanton, Zavod zdravstvenog osiguranja Zeničko-dobojskog kantona", u sredini vodoravno, "Zenica", a ispod ovog vodoravno upisanog sjedišta Kantonalnog zavoda zdravstvenog osiguranja upiše se još i broj pečata.

Pečat se izrađuje u promjeru 35 i 20 mm.

Prijemni štambilj je u obliku pravougaonika veličine 30 x 70 mm. U njegovom gornjem uglu urezan je tekst: "Zavod zdravstvenog osiguranja Zeničko-dobojskog kantona", a ispod toga u sredini: "Zenica".

U lijevom uglu je tekst: "Priljeno", ispod toga oznaka: "organizaciona jedinica", a u produžetku "broj" i "vrijednost". Ispod ovih oznaka u svakom pravougaoniku je upražnjen prostor za upisivanje odgovarajućih podataka na otisku štambilja.

I svaka Poslovnica ima svoj pečat.

Pečat je okruglog oblika, na kome je kružno upisan tekst: "Zavod zdravstvenog osiguranja Zeničko-dobojskog kantona", a u sredini vodoravno "Poslovnica _____" (navesti sjedište Poslovnice), a ispod ovog vodoravno upisanog sjedišta Poslovnice upiše se još i broj pečata.

Pečat se izrađuje u promjeru 20 mm.

Odluku o broju pečata i štambilja, njihovoj upotrebi i čuvanju donosi direktor Kantonalnog zavoda zdravstvenog osiguranja, tako da pečate i štambilje čuvaju i njima rukuju samo ovlašteni radnici.

III Predstavljanje i zastupanje

Član 13.

Kantonalni zavod zdravstvenog osiguranja predstavlja i zastupa direktor Kantonalnog zavoda zdravstvenog osiguranja.

Član 14.

Direktor Kantonalnog zavoda zdravstvenog osiguranja ovlašten je da u ime Kantonalnog zavoda zdravstvenog osiguranja zaključuje ugovore i preduzima druge pravne radnje, kao i da zastupa Kantonalni zavod zdravstvenog osiguranja pred sudovima i drugim organima u okviru prava i odgovornosti koje proistilaze iz djelatnosti Kantonalnog zavoda zdravstvenog osiguranja.

Član 15.

Kantonalni zavod zdravstvenog osiguranja, po ovlaštenju direktora Kantonalnog zavoda zdravstvenog osiguranja mogu zastupati i drugi radnici u poslovima iz svoje nadležnosti.

IV Organizacija Kantonalnog zavoda zdravstvenog osiguranja

Član 16.

Prava, obaveze i odgovornosti koje proistilaze iz djelatnosti Kantonalnog zavoda zdravstvenog osiguranja ostvaruju se:

- u sjedištu Kantonalnog zavoda zdravstvenog osiguranja i
- u Poslovnicama Kantonalnog zavoda zdravstvenog osiguranja.

Član 17.

U sjedištu Kantonalnog zavoda zdravstvenog osiguranja vrši se ostvarivanje prava, obaveza i odgovornosti koje proistilaze iz djelatnosti Kantonalnog zavoda zdravstvenog osiguranja, izuzev prava, obaveza, odgovornosti koje su zakonskim i podzakonskim propisima, ovim statutom i drugim općim aktima utvrđeni kao djelokrug Poslovnice Kantonalnog zavoda zdravstvenog osiguranja.

Član 18.

U Poslovnici Kantonalnog zavoda zdravstvenog osiguranja vrši se:

- prijava i odjava osiguranika i osiguranih lica na teritoriji općine,
- izdavanje i ovjera isprava kojima se utvrđuje i dokazuje svojstvo osiguranog lica,
- ustanovljavaju i vode lični zdravstveni kartoni osiguranih lica (matična evidencija),
- ovjera i evidentiranje endoprotetskih i drugih ortopedskih pomagala, sanitarnih sprava i stomatoprotetskih nadomjestaka i ortodontskih aparata,
- utvrđivanje prava, obračun, likvidiranje putnih i drugih troškova u vezi sa ostvarivanjem zdravstvene zaštite,
- prijem, evidentiranje, ovjera i izdavanje obrazaca u vezi sa sprovođenjem međunarodnih sporazuma o socijalnom osiguranju u dijelu koji se odnosi na zdravstveno osiguranje,
- obezbjeđuju i vode statistički podaci o osiguranicima i osiguranim licima,
- vode evidencije o uplati doprinosa za obavezno zdravstveno osiguranje svih obveznika obračuna i uplate doprinosa za teritoriju općine,
- kontrola i likvidacija računa za zdravstvene usluge,
- kontrola, likvidacija i plaćanje odnosno refundacije naknada plata za vrijeme privremene spriječenosti za rad zbog bolesti ili povrede,
- evidencija izdatih lijekova osiguranim licima,
- izvršavaju i druga prava, obaveze i odgovornosti koji su zakonskim propisima i općim aktima Kantonalnog zavoda zdravstvenog osiguranja prenesene u djelokrug Poslovnice Kantonalnog zavoda zdravstvenog osiguranja.

V Organi Kantonalnog zavoda zdravstvenog osiguranja

1. Upravni odbor

Član 19.

Kantonalnim zavodom zdravstvenog osiguranja upravlja Upravni odbor Kantonalnog zavoda zdravstvenog osiguranja. Mandat predsjednika i članova Upravnog odbora traje 4 godine.

Član 20.

Pored poslova utvrdjenih Zakonom o zdravstvenom osiguranju, drugim zakonskim i podzakonskim propisima, Upravni odbor Kantonalnog zavoda zdravstvenog osiguranja:

- donosi Poslovnik o radu Upravnog odbora,
- donosi program rada Upravnog odbora,
- odlučuje o zaključivanju odnosno pristupanju dogovoru kantonalnih zavoda osiguranja iz člana 82. stav 4. Zakona o zdravstvenom osiguranju,
- razmatra izvještaj o korištenju sredstava dodijeljenih Kantonalnom zavodu zdravstvenog osiguranja na osnovu dogovora iz alineje 3. ovog člana,

- utvrđuje politiku korišćenja sredstava obaveznog zdravstvenog osiguranja,
- donosi odluku o raspisivanju konkursa za popunjavanje mreže zdravstvene djelatnosti iz člana 37. st. 1. i 2. Zakona o zdravstvenoj zaštiti,
- donosi odluku o izboru najpovoljnijeg ponuđača uz pribavljenu saglasnost kantonalnog ministra zdravstva, radi zaključivanja ugovora sa zdravstvenim ustanovama i privatnim zdravstvenim radnicima,
- donosi odluke o zaključivanju ugovora Kantonalnog zavoda zdravstvenog osiguranja sa zdravstvenim ustanovama i privatnim zdravstvenim radnicima o pružanju zdravstvenih usluga, saglasno zakonskim i podzakonskim propisima,
- utvrđuje cijenu zdravstvenih usluga za poslove privatnog zdravstvenog radnika iz člana 132. Zakona o zdravstvenoj zaštiti,
- utvrđuje osnovicu za naknadu plaće osiguraniku iz čl. 46. a u vezi sa čl. 42, tač. 3. do 5. Zakona o zdravstvenom osiguranju,
- donosi odluku o prestanku rada zdravstvene ustanove u slučaju iz člana 47. stav 1., alineja 1. Zakona o zdravstvenoj zaštiti,
- odlučuje o neposrednom učešću osiguranih lica u snošenju pojedinih troškova korištenja zdravstvenog osiguranja (participacija),
- donosi plan rada Kantonalnog zavoda zdravstvenog osiguranja,
- podnosi zahtjev za pokretanje postupka za ostvarivanje naknada koje se obezbjeđuju u slučaju nastupanja reosiguranih rizika,
- donosi opći akt o osnivanju i organizaciji stručne službe Kantonalnog zavoda zdravstvenog osiguranja,
- daje saglasnost na opći akt o sistematizaciji poslova i radnih zadataka i broju izvršilaca i stručnoj službi i druge opće akte kojim se uređuju odnosi u stručnoj službi, saglasno zakonskim propisima,
- donosi odluke o nabavi osnovnih sredstava potrebnih za rad stručne službe Kantonalnog zavoda zdravstvenog osiguranja, saglasno zakonskim propisima,
- donosi odluku o zaključivanju sporazuma kantonalnih zavoda osiguranja sa Zavodom zdravstvenog osiguranja i reosiguranja Federacije BiH (u daljem tekstu: Federalni zavod osiguranja i reosiguranja), saglasno stavu 2. i 3. člana 100. Zakona o zdravstvenom osiguranju,
- odlučuje o naknadi za obavljanje poslova iz djelokruga stručne službe i drugim međusobnim odnosima saglasno zakonskim propisima,
- donosi odluke o izboru rukovodnih radnika u stručnoj službi na prijedlog direktora, saglasno zakonskim propisima,
- odlučuje o pravima radnika u drugom stepenu, te vrši i druge poslove za koje je ovlašten zakonskim i podzakonskim propisima i općim aktima Kantonalnog zavoda zdravstvenog osiguranja.

Član 21.

Upravni odbor radi i odlučuje na sjednicama.

Upravni odbor punovažno odlučuje, ako sjednici prisustvuje većina od ukupnog broja članova Upravnog odbora.

Upravni odbor donosi odluke većinom ukupnog broja članova Upravnog odbora.

Član 22.

Predsjednik Upravnog odbora:

- saziva sjednice, predlaže dnevni red i predsjedava na sjednicama,
- potpisuje odluke i druge akte donesene na sjednici Upravnog odbora,
- stara se o primjeni statuta, drugih općih akata i Poslovnika Upravnog odbora,
- stara se o blagovremenom izvršavanju programa Upravnog odbora,
- stara se o ostvarivanju saradnje Upravnog odbora sa Skupštinom Kantona, Vladom Kantona, kantonalnim ministrom zdravstva i drugim organima i organizacijama,
- vrši i druge poslove određene ovim statutom, poslovníkom Upravnog odbora i drugim općim aktima Kantonalnog zavoda zdravstvenog osiguranja.

Član 23.

Predsjednik Upravnog odbora saziva sjednicu Upravnog odbora po svojoj inicijativi, na inicijativu Vlade Kantona, kantonalnog ministra zdravstva, direktora Kantonalnog zavoda zdravstvenog osiguranja i najmanje 3 člana Upravnog odbora.

Član 24.

U slučaju odsutnosti, predsjednika Upravnog odbora zamjenjuje član Upravnog odbora koga ovlasti Upravni odbor.

Član 25.

Za svoj rad Upravni odbor je odgovoran Vladi Kantona.

Predsjednik Upravnog odbora za svoj rad odgovara Vladi Kantona, kantonalnom ministru zdravstva i Upravnom odboru.

Član 26.

Poslovníkom o radu Upravnog odbora uređuje se način rada, pripremanje i održavanje sjednica, postupak predlaganja, rasprave, usaglašavanja i odlučivanja, prava, obaveze i odgovornosti članova Upravnog odbora, obrazovanje stalnih odbora i komisija Upravnog odbora, utvrđuje njihov sastav, način izbora, djelokrug i način rada, uređuje vođenje i izrada zapisnika, potpisivanje zapisnika i drugih akata Upravnog odbora i druga pitanja od značaja za rad Upravnog odbora.

2. Odbori i komisije**Član 27.**

Za pripremanje i razmatranje općih i drugih akata i materijala iz djelokruga Upravnog odbora, za praćenje i sprovođenje utvrđene politike, općih i drugih akata kao

i za proučavanje i razmatranje drugih pitanja u okviru djelatnosti Kantonalnog zavoda zdravstvenog osiguranja Upravni odbor može obrazovati stalne i povremene odbore i komisije.

Stalni odbori i komisije, njihov sastav, način izbora i djelokrug utvrđuje se Poslovníkom o radu Upravnog odbora, ako zakonom, podzakonskim ili drugim aktima, i ovim statutom nije određeno drugačije.

Za obavljanje pojedinih povremenih zadataka iz svog djelokruga Upravni odbor može odlukom obrazovati komisije, utvrditi njihov sastav, djelokrug i imenovati članove.

3. Direktor Kantonalnog zavoda zdravstvenog osiguranja**Član 28.**

Direktor Kantonalnog zavoda zdravstvenog osiguranja:

- organizuje rad i poslovanje Kantonalnog zavoda zdravstvenog osiguranja, kao i provođenje dogovora, sporazuma i ugovora koje je Kantonalni zavod zdravstvenog osiguranja zaključio ili im pristupio,
- stara se o blagovremenom obezbjeđivanju finansijskih sredstava potrebnih za sprovođenje obaveznog zdravstvenog osiguranja, o njihovoj namjenskoj upotrebi i o zakonitom, pravilnom i blagovremenom ostvarivanju prava osiguranih lica,
- daje naloge za izvršavanje finansijskog plana Kantonalnog zavoda zdravstvenog osiguranja i drugih akata Upravnog odbora,
- stara se o pripremi svih akata i materijala čija je izrada u djelokrugu Kantonalnog zavoda zdravstvenog osiguranja a koje razmatraju i o njima odlučuju organi vlasti, Upravni odbor Kantonalnog zavoda zdravstvenog osiguranja, odbori i komisije Upravnog odbora i druga tijela obrazovana na osnovu zakona, podzakonskih akata, statuta i drugih općih akata, Kantonalnog zavoda zdravstvenog osiguranja,
- rješava o pravima iz obaveznog zdravstvenog osiguranja u prvom stepenu u skladu sa podzakonskim propisima,
- rukovodi radom stručne službe i donosi stručna uputstva u cilju zakonitog, pravilnog i blagovremenog obavljanja poslova,
- obrazuje radne grupe za izradu složenijih akata i materijala,
- stara se o pripremi i organizovanju sjednica Upravnog odbora te odbora i komisija Upravnog odbora Kantonalnog zavoda zdravstvenog osiguranja,
- sprovodi i organizuje izvršavanje odluka, zaključaka i drugih akata Upravnog odbora i njegovih odbora i komisija,
- odobrava nabavku materijala i drugih sredstava potrebnih za rad stručne službe u skladu sa finansijskim planom,
- stara se o ostvarivanju javnosti rada Kantonalnog zavoda zdravstvenog osiguranja, njegovih organa i stručne službe,

- donosi odluke o prijemu i raspoređivanju radnika na poslove i zadatke i druge odluke u skladu sa zakonom i općim aktima Kantonalnog zavoda zdravstvenog osiguranja, ako zakonom ili općim aktom nije određeno drugačije,
- vrši i druge poslove koji su zakonom, podzakonskim propisima, statutom i drugim općim aktima stavljani u nadležnost direktora Kantonalnog zavoda zdravstvenog osiguranja.

Član 29.

Direktor Kantonalnog zavoda zdravstvenog osiguranja ima pravo i dužnost da prisustvuje sjednicama Upravnog odbora, njegovih odbora i komisija i drugih tijela i da učestvuje u njihovom radu, ali bez prava odlučivanja. Direktor Kantonalnog zavoda zdravstvenog osiguranja je dužan da na zahtjev Upravnog odbora, odbora i komisija Upravnog odbora i drugih tijela daje objašnjenja i odgovara na pitanja iz svog djelokruga, djelokruga Kantonalnog zavoda zdravstvenog osiguranja i stručne službe.

Član 30.

Direktoru Kantonalnog zavoda zdravstvenog osiguranja pomažu u rukovođenju rukovodilci Službi, svaki u okviru svog djelokruga rada, a u slučaju njegove odsutnosti ili spriječenosti za rad, direktor određuje jednog od rukovodilaca Službi, koji ga za to vrijeme zamjenjuje i vrši druge poslove po posebnoj nalogu i ovlaštenju direktora u tim slučajevima.

Član 31.

Za direktora Kantonalnog zavoda zdravstvenog osiguranja može se imenovati lice koje pored općih uslova utvrđenih zakonom, ima visoku školsku spremu i najmanje tri godine radnog iskustva.

Direktor Kantonalnog zavoda imenuje se, odnosno bira za vrijeme od 4 godine.

Po isteku vremena iz stava 2. ovog člana isto lice može biti ponovo imenovano, odnosno izabrano za direktora Kantonalnog zavoda zdravstvenog osiguranja.

Član 32.

Direktor Kantonalnog zavoda zdravstvenog osiguranja za svoj rad odgovara Vladi Kantona i Upravnom odboru Kantonalnog zavoda zdravstvenog osiguranja.

Direktor može biti razriješen dužnosti i prije isteka vremena za koje je imenovan, odnosno izabran u slučajevima i pod uslovima utvrđenim zakonom.

Odluku o razrješenju iz stava 2. ovog člana donosi organ nadležan za imenovanje, odnosno izbor direktora.

VI Stručna služba Kantonalnog zavoda zdravstvenog osiguranja

Član 33.

Rad obavljanja poslova sprovođenja obaveznog zdravstvenog osiguranja, odnosno radi obavljanja normativno-pravnih, analitičko-planskih, finansijsko-računovodstvenih, drugih stručnih, administrativnih, tehničkih i drugih poslova iz djelokruga Kantonalnog zavoda zdravstvenog osiguranja, Kantonalni zavod

zdravstvenog osiguranja osniva stručnu službu za teritoriju Zeničko-dobojskog kantona.

Član 34.

U sprovođenju obaveznog zdravstvenog osiguranja u stručnoj službi se:

- obavljaju poslovi u vezi sa obezbjeđivanjem sredstava za sprovođenje obaveznog zdravstvenog osiguranja,
- stara o naplati doprinosa za obavezno zdravstveno osiguranje odnosno vrši se odgovarajuća kontrola u cilju potpunog obuhvaćanja svih obveznika obračuna i uplate doprinosa za obavezno zdravstveno osiguranje, te redovne i potpune naplate tog doprinosa, o čemu se pripremaju odgovarajuće informacije za Upravni odbor Kantonalnog zavoda zdravstvenog osiguranja i obavljaju poslovi u postupku prinudne naplate doprinosa,
- rukuje sa sredstvima Kantonalnog zavoda zdravstvenog osiguranja saglasno zakonu, finansijskim planovima i drugim aktima Kantonalnog zavoda zdravstvenog osiguranja i odgovara za njihovu namjensku upotrebu,
- prati finansijsko poslovanje Kantonalnog zavoda zdravstvenog osiguranja i zdravstvenih ustanova, obavljaju analitičko-planski i finansijsko-računovodstveni poslovi, te vode propisane evidencije,
- obavljaju poslovi u vezi sa pripremom i zaključivanjem ugovora sa zdravstvenim ustanovama i privatnim zdravstvenim radnicima pružanju zdravstvenih usluga osiguranim licima, te poslovi u vezi praćenja, analiziranja, izvještavanja o zakonitom, pravilnom, kvalitetnom, blagovremenom i potpunom izvršavanju zaključenih ugovora,
- obavljaju poslovi u vezi izrade podzakonskih propisa iz oblasti obaveznog zdravstvenog osiguranja, statuta i drugih općih akata Kantonalnog zavoda zdravstvenog osiguranja i stručne službe, učesća u izradi dogovora, sporazuma i ugovora koje zaključuje ili im pristupa Kantonalni zavod zdravstvenog osiguranja,
- obavljaju poslovi u vezi sa neposrednim učešćem osiguranih lica u snošenju pojedinih troškova korištenja zdravstvenog osiguranja (participacija),
- obavljaju poslovi izrade analiza, programa, planova i izvještaja koji prolaze iz djelatnosti Kantonalnog zavoda zdravstvenog osiguranja,
- obavljaju poslovi pripreme odgovarajućih materijala u vezi sa ostvarivanjem prava i obaveza po snovu obaveznog zdravstvenog reosiguranja,
- obavljaju svi stručni, administrativni i pomoćno-tehnički poslovi u vezi sa obezbjeđivanjem rada i radom organa Kantonalnog zavoda zdravstvenog osiguranja,
- obavljaju poslovi u vezi sa rješavanjem o pravima osiguranih lica iz obaveznog zdravstvenog osiguranja u prvom i drugom stepenu u skladu sa Zakonom o zdravstvenom osiguranju, drugim zakonskim i podzakonskim propisima i općim aktima Kantonalnog zavoda zdravstvenog osiguranja, vrše odgovarajuće isplate i ostali poslovi u vezi sa ostvarivanjem

- prava iz obaveznog zdravstvenog osiguranja, o čemu se sačinjavaju informacije,
- vrše poslovi u vezi sprovođenja međunarodnih sporazuma o socijalnom osiguranju u dijelu koji se odnosi na obavezno zdravstveno osiguranje za teritoriju kantona,
- vrše poslovi u vezi obezbjeđivanja zdravstvene zaštite u inostranstvu i u vezi sa upućivanjem osiguranih lica na liječenje u inostranstvo u skladu sa propisima,
- vode propisane evidencije i statistika o osiguranicima i osiguranim licima sa podacima potrebnim za sprovođenje i obezbjeđenje kontrole ostvarivanja prava iz obaveznog zdravstvenog osiguranja,
- koordiniraju poslovi na uvođenju i funkcionisanju informacionog sistema u obaveznom zdravstvenom osiguranju,
- obavljaju poslovi u postupku naknade štete Kantonalnog zavoda zdravstvenog osiguranja,
- obavljaju poslovi u vezi sa pokretanjem i učešćem u prekršajnom postupku u slučajevima predviđenim zakonom,
- vrši praćenje i kontrola ukupnog rada i poslovanja stručne službe Kantonalnog zavoda zdravstvenog osiguranja,
- vrše i drugi upravno-pravni, imovinsko-pravni, drugi stručni, tehnički i administrativni poslovi koji su stavljeni u djelo krug stručne službe, zakonom, podzakonskim propisima i drugim općim aktom.

Član 35.

Stručna služba Kantonalnog zavoda zdravstvenog osiguranja, pored poslova iz člana 34. obavljat će poslove u vezi sa obezbjeđivanjem sredstava i sprovođenjem proširenog zdravstvenog osiguranja, ukoliko Skupština Kantona uvede ovo osiguranje.

Stručna služba na osnovu odluke Upravnog odbora Kantonalnog zavoda zdravstvenog osiguranja može obavljati i poslove u vezi sa obezbjeđivanjem sredstava i sprovođenjem dobrovoljnog zdravstvenog osiguranja.

Član 36.

Odlukom o osnivanju stručne službe Kantonalnog zavoda zdravstvenog osiguranja, uređuje se organizacija stručne službe, prava, obaveze i odgovornosti stručne službe u obavljanju poslova iz člana 34. Statuta i druga pitanja od značaja za rad stručne službe.

VII Rješavanje o pravima i ostvarivanje prava iz obaveznog zdravstvenog osiguranja

Član 37.

O pravima osiguranih lica iz obaveznog zdravstvenog osiguranja u prvom stepenu rješava direktor Kantonalnog zavoda zdravstvenog osiguranja u skladu sa Zakonom o zdravstvenom osiguranju i Pravilnikom o načinu ostvarivanja prava iz obaveznog zdravstvenog osiguranja.

O pravima iz stava 1. ovog člana u drugom stepenu rješavaju organi obrazovani u skladu sa Pravilnikom o

načinu ostvarivanja prava iz obaveznog zdravstvenog osiguranja.

O pravima iz obaveznog zdravstvenog osiguranja koja se ostvaruju u inostranstvu i o upućivanju osiguranih lica na liječenje u inostranstvo rješava se u skladu sa posebnim propisima.

U rješavanju o pravima osiguranih lica iz stava 1. i 3. ovog člana učestvuju stručni organi koji se obrazuju u skladu sa posebnim propisima.

Član 38.

O pravima osiguranih lica iz proširenog zdravstvenog osiguranja rješava se u skladu sa propisom Skupštine Kantona o uvođenju tog osiguranja.

Član 39.

O pravima osiguranih lica iz dobrovoljnog zdravstvenog osiguranja rješava se u skladu sa aktom o uvođenju tog osiguranja.

Član 40.

U postupku ostvarivanja prava iz člana 37., 38. i 39. ovog statuta, stručna služba Kantonalnog zavoda zdravstvenog osiguranja obezbjeđuje osiguranim licima stručnu pomoć.

VIII Planiranje

Član 41.

Polazeći od neposrednih i trajnih interesa osiguranika i osiguranih lica, Upravni odbor Kantonalnog zavoda zdravstvenog osiguranja planira obezbjeđenje sredstava, sprovođenje i razvoj obaveznog zdravstvenog osiguranja u skladu sa općim društveno-ekonomskim razvojem Federacije i Kantona u skladu sa zakonskim i podzakonskim propisima i općim aktima Kantonalnog zavoda zdravstvenog osiguranja.

Član 42.

Za ostvarivanje plana Kantonalnog zavoda zdravstvenog osiguranja za srednjoročni period, Upravni odbor Kantonalnog zavoda zdravstvenog osiguranja donosi program mjera krajem tekuće godine za narednu godinu.

Član 43.

Upravni odbor Kantonalnog zavoda zdravstvenog osiguranja donosi odluku o pripremanju i donošenju plana i utvrđuje rok za njegovo donošenje.

Direktor Kantonalnog zavoda zdravstvenog osiguranja je odgovoran za blagovremenu pripremu i donošenje plana i obezbjeđuje uslove za izradu valjane dokumentacione osnove i potrebnih analiza.

IX Finansiranje i finansijsko poslovanje

Član 44.

Sredstva potrebna za ostvarivanje prava iz obaveznog zdravstvenog osiguranja obezbjeđuju se u Kantonalnom zavodu zdravstvenog osiguranja doprinosima i iz drugih izvora utvrđenih zakonom i drugim propisima donesenim na osnovu zakona.

Član 45.

Finansijsko poslovanje Kantonalnog zavoda zdravstvenog osiguranja obuhvata izradu finansijskog plana prihoda i rashoda, ostvarivanje prihoda i izvršavanje rashoda, vođenje knjigovodstva i evidencija o finansijskom poslovanju i o sredstvima Kantonalnog zavoda zdravstvenog osiguranja i sastavljanje završnog računa Kantonalnog zavoda zdravstvenog osiguranja.

Član 46.

Kantonalni zavod zdravstvenog osiguranja donosi finansijski plan prije početka godine na koju se odnosi.

Finansijski plan mora biti uravnotežen.

Ako ne postoje uslovi da se finansijski plan donese prije početka godine na koju se odnosi, finansiranje se vrši privremeno najduže za tri mjeseca.

Finansijski plan i odluku o privremenom finansiranju donosi Upravni odbor Kantonalnog zavoda zdravstvenog osiguranja.

Član 47.

Finansijski plan se sastoji iz općeg i posebnog dijela.

Opći dio finansijskog plana sadrži: ukupan iznos predviđenih prihoda i predviđenih rashoda za utvrđene namjene, rezerve, odredbe o pravima, obavezama kao i mjerama za izvršavanje finansijskog plana i održavanje njegove ravnoteže.

Posebni dio finansijskog plana sadrži prihode po izvorima i rashode po bližim namjenama.

Član 48.

Završni račun se sastoji od općeg i posebnog dijela.

Opći dio završnog računa sadrži ukupan iznos ostvarenih prihoda i izvršenih rashoda po utvrđenim namjenama, razliku između ostvarenih prihoda i izvršenih rashoda ako razlika nastane i odredbe o rasporedu viška prihoda, odnosno o pokriću viška rashoda.

Posebni dio završnog računa sadrži planom predviđene i ostvarene prihode po izvorima i vrstama i planom predviđene i izvršene rashode po bližim namjenama.

Član 49.

Ako Kantonalni zavod zdravstvenog osiguranja po periodičnom obračunu, iskaže nepokrivene rashode, Upravni odbor je dužan da preuzme odgovarajuće mjere za otklanjanje gubitaka u skladu sa zakonom, a ako iskaže nepokrivene rashode po završnom računu, dužan je da sačini program mjera za pokriće gubitaka, odnosno druge mjere za obezbjeđenje uravnoteženog poslovanja u narednom periodu.

Član 50.

Kantonalni zavod zdravstvenog osiguranja obrazuje sredstva rezerve najmanje u visini propisanoj zakonom.

O korištenju sredstava rezerve odlučuje Upravni odbor u skladu sa zakonom.

Član 51.

Upravni odbor razmatra izvještaje o finansijskom poslovanju po periodičnom obračunu i završnom računu.

Član 52.

Direktor Kantonalnog zavoda zdravstvenog osiguranja može da odobri korištenje sredstava do iznosa utvrđenog finansijskim planom, a u skladu sa usvojenim planovima i odlukama Upravnog odbora i u okviru sredstava utvrđenih finansijskim planom.

Član 53.

Sredstva za rad Upravnog odbora, odbora, komisija, i stručne službe Kantonalnog zavoda zdravstvenog osiguranja obezbjeđuju se u finansijskom planu Kantonalnog zavoda zdravstvenog osiguranja.

Član 54.

Bliže odredbe o finansiranju i finansijskom poslovanju, knjigovodstvenim i drugim evidencijama koje se vode u Kantonalnom zavodu osiguranja utvrđuju se općim aktom koji donosi Upravni odbor.

X Kontrola sprovođenja obaveznog zdravstvenog osiguranja**Član 55.**

U Kantonalnom zavodu zdravstvenog osiguranja vršit će se kontrola cjelokupnog rada i poslovanja, kao i obavljanja drugih poslova koji su u vezi sa djelatnošću Kantonalnog zavoda zdravstvenog osiguranja, a naročito:

- kontrola sprovođenja zakonskih i podzakonskih propisa te statuta i općih i drugih akata Kantonalnog zavoda zdravstvenog osiguranja,
- kontrola obavljanja poslova u vezi sa rješavanjem o pravima i ostvarivanjem prava iz obaveznog zdravstvenog osiguranja,
- kontrola načina i ostvrivanja zdravstvene zaštite i odnosa zdravstvenih i ostalih radnika zdravstvenih ustanova prema osiguranim licima,
- kontrola vrste, obima, kvaliteta, pravilnosti i blagovremenosti izvršavanja zdravstvenih usluga koje zdravstvene ustanove pružaju osiguranim licima po osnovu ugovora zaključenog sa Kantonalnim zavodom zdravstvenog osiguranja,
- kontrola načina korištenja sredstava (da li se sredstva koriste prema namjenama utvrđenim zakonom, te da li je korištenje racionalno, cjelishodno, ekonomično i dr.),
- kontrola obuhvata obveznika obračuna i uplate doprinosa i kontrolu samog obračuna i uplate doprinosa.

Član 56.

Radi ostvarivanja kontrole sprovođenja obaveznog zdravstvenog osiguranja u Kantonalnom zavodu zdravstvenog osiguranja se obrazuje Odbor za kontrolu.

Predsjednika i članove Odbora za kontrolu imenuje Upravni odbor Kantonalnog zavoda zdravstvenog osiguranja.

Sastav, način izbora, djelokrug i način rada Odbora za kontrolu utvrđuje se Poslovnikom o radu odbora.

Član 57.

Direktor Kantonalnog zavoda zdravstvenog osiguranja dužan je da obezbjeđuje uslove za efikasan rad Od-

bora za kontrolu. Na zahtjev Odbora za kontrolu stručna služba Kantonalnog zavoda zdravstvenog osiguranja dužna je da mu stavi na uvid podatke, kao i da mu pripremi odgovarajuće izvještaje, ili analize od značaja za njegov rad.

Član 58.

U ostvarivanju kontrole, Odbor za kontrolu saraduje sa organima nadležnim za nadzor nad zakonitošću rada Kantonalnog zavoda zdravstvenog osiguranja i drugim organima nadzora i kontrole.

Član 59.

Upravni odbor je dužan da razmotri svaki prijedlog Odbora za kontrolu i da otkloni nepravilnosti, odnosno da obavijesti Odbor za kontrolu o utvrđenom stavu, preduzetim mjerama ili svom stavu po određenim pitanjima.

Član 60.

Radi stručnog i stalnog obavljanja poslova kontrole i radi pripreme i izrade izvještaja, drugih materijala i akata za Odbor za kontrolu, u stručnoj službi se sistematizuju poslovi kontrole čiji su izvršioc pod neposrednim rukovodstvom direktora Kantonalnog zavoda zdravstvenog osiguranja.

XI Javnost rada Kantonalnog zavoda zdravstvenog osiguranja

Član 61.

Rad Kantonalnog zavoda zdravstvenog osiguranja je javan.

Javnost rada Kantonalnog zavoda zdravstvenog osiguranja obezbjeđuje se:

- objavljivanjem Statuta Kantonalnog zavoda zdravstvenog osiguranja i ostalih općih akata Kantonalnog zavoda zdravstvenog osiguranja u "Službenim novinama Zeničko-dobojskog kantona",
- po potrebi, obavješćavanjem putem javnog informisanja o radu Kantonalnog zavoda zdravstvenog osiguranja u vezi sa sprovođenjem obaveznog zdravstvenog osiguranja, načlnom ostvarivanja prava osiguranih lica, sprovođenjem ugovora Kantonalnog zavoda zdravstvenog osiguranja sa zdravstvenim ustanovama o pružanju zdravstvenih usluga i dr.,
- podnošenjem izvještaja o radu Kantonalnog zavoda zdravstvenog osiguranja,
- organizovanjem i provođenjem rasprave o nacrtima određenih općih akata, te
- omogućavanjem predstavnicima javnog informisanja da prisustvuju sjednicama Upravnog odbora Kantonalnog zavoda zdravstvenog osiguranja i dr.

Član 62.

U Kantonalnom zavodu zdravstvenog osiguranja mogu se organizovati konferencije za štampu i izdavati saopštenja za štampu i druga sredstva javnog informisanja.

Član 63.

Upravni odbor može da utvrdi i druge oblike ostvarivanja javnosti rada Kantonalnog zavoda zdravstvenog osiguranja, njegovih organa i stručne službe.

Za ostvarivanje javnosti rada Kantonalnog zavoda zdravstvenog osiguranja odgovorni su Upravni odbor i direktor Kantonalnog zavoda zdravstvenog osiguranja.

XII Donošenje statuta i drugih općih akata

Kantonalnog zavoda zdravstvenog osiguranja

Član 64.

Upravni odbor Kantonalnog zavoda zdravstvenog osiguranja u ostvarivanju prava, obaveza i odgovornosti Kantonalnog zavoda zdravstvenog osiguranja utvrdjenih zakonom, podzakonskim propisima, statutom i općim aktima Kantonalnog zavoda zdravstvenog osiguranja, donosi opće akte, finansijske planove, programe, odluke i druge akte.

Član 65.

Statut Kantonalnog zavoda zdravstvenog osiguranja Upravni odbor donosi uz saglasnost Skupštine Kantona, uz prethodno mišljenje Vlade.

Član 66.

Donošenje, odnosno izmjene ili dopune statuta Kantonalnog zavoda zdravstvenog osiguranja mogu predložiti:

- Vlada Kantona,
- ministar zdravlja Kantona,
- predsjednik Upravnog odbora Kantonalnog zavoda zdravstvenog osiguranja,
- direktor Kantonalnog zavoda zdravstvenog osiguranja,
- jedna trećina članova Upravnog odbora.

Inicijativu za donošenje, izmjenu ili dopunu Statuta Kantonalnog zavoda zdravstvenog osiguranja mogu da podnesu pravna ili fizička lica, osiguranici i osigurana lica i sindikat.

Upravni odbor je dužan razmotriti inicijativu i o svom stavu izvijestiti podnosioca.

Član 67.

Nacrt, odnosno Prijedlog statuta priprema direktor Kantonalnog zavoda zdravstvenog osiguranja i podnosi Upravnom odboru na razmatranje odnosno odlučivanje.

Nacrt, odnosno Prijedlog statuta Kantonalnog zavoda zdravstvenog osiguranja upućuje se ministru zdravlja Kantona radi davanja mišljenja.

Upravni odbor može odlučiti da se Nacrt statuta Kantonalnog zavoda zdravstvenog osiguranja iznese na javnu raspravu.

U slučaju iz stava 3. ovog člana Upravni odbor odlučuje o širini, organizovanju i provođenju javne rasprave, te o rokovima za dostavu primjedbi, prijedloga i mišljenja.

Član 68.

Prijedlog statuta direktor Kantonalnog zavoda zdravstvenog osiguranja priprema imajući u vidu

Na temelju članka 37. Ustava Zeničko-dobojskog kantona i članka 29. Poslovnika o radu Skupštine Zeničko-dobojskog kantona (Službene novine

Na osnovu člana 103. stav 1. alineja 2. Zakona o zdravstvenom osiguranju (»Službene novine Federacije BiH«, broj 30/97) i člana 65. Statuta Zavoda zdravstvenog osiguranja Zeničko-dobojskog kantona (»Službene novine ZE-DO kantona«, br. 19/99), Upravni odbor Zavoda zdravstvenog osiguranja Zeničko-dobojskog kantona, na svojoj 13. sjednici, održanoj 19. 06. 2002. godine, donosi:

ODLUKU
o izmjenama i dopunama Statuta
Zavoda zdravstvenog osiguranja Zeničko-dobojskog kantona

Član 1.

U članu 2. stav 1. Statuta Zavoda zdravstvenog osiguranja Zeničko-dobojskog kantona (»Službene novine ZE-DO kantona«, br. 19/99), iza riječi »osnovan je«, brišu se riječi »Zakonom o zdravstvenom osiguranju« i zamjenjuju se riječima »Zakonom o osnivanju javne ustanove Kantonalni zavod za zdravstveno osiguranje (»Službene novine ZE-DO kantona«, br. 11/97, 2/98).

Član 2.

U članu 2., iza stava 1. dodaje se novi stav, koji glasi: "Sredstva za rad Zavoda osiguravaju se iz doprinosa za zdravstveno osiguranje, budžeta Kantona, i drugih izvora." Dosadašnji stavovi 2. i 3. postaju stavovi 3. i 4.

Član 3.

U članu 10. Statuta, iza riječi "uređena je" brišu se riječi "Zakonom o zdravstvenom osiguranju" i zamjenjuju se riječima "Zakonom o osnivanju JU Kantonalni zavod za zdravstveno osiguranje."

Član 4.

U članu 19. iza stava 1. dodaje se stav 2., koji glasi:

"Upravni odbor čine:

- tri člana iz reda osiguranika zdravstvenog osiguranja,
- dva člana iz reda poslodavca,
- četiri člana iz reda zdravstvenih radnika."

Član 5.

U članu 20. stav 1., iza riječi: "Zakonom o zdravstvenom osiguranju", dodaju se riječi "Zakonom o osnivanju JU Kantonalni zavod za zdravstveno osiguranje."

U stavu 1. alineja 12., iza zareza dodaju se riječi: "u skladu sa važećim propisima."

U stavu 1. alineja 20. briše se.

Član 6.

U članu 28. stav 1., iza dvotačke dodaju se alineja 1. i 2., koje glase:

- "organizuje i rukovodi Zavodom
- zastupa i predstavlja Zavod prema trećim licima."

Član 7.

U članu 31. stav 2. mijenja se i glasi:

“Direktora Kantonalnog zavoda zdravstvenog osiguranja imenuje Vlada Kantona, na prijedlog ministra, na period od 4 godine.”

Član 8.

U članu 32. stav 3., iza riječi “donosi” brišu se riječi “organ nadležan za imenovanje, odnosno izbor direktora” i umjesto njih dodaju se riječi: “Vlada Kantona, na prijedlog ministra.”

Član 9.

Član 36. mijenja se i glasi:


“Radi obavljanja stručnih, administrativnih i drugih poslova Kantonalni zavod zdravstvenog osiguranja osniva Odlukom stručnu službu.

Unutrašnja organizacija stručne službe Zavoda iz prethodnog stava utvrđuje se pravilnikom kojeg donosi direktor uz saglasnost Vlade Kantona.”

Član 10.

Ova Odluka stupa na snagu osmog dana od dana objavljivanja u “Službenim novinama ZE-DO kantona”.

Broj: 01-100-13/02
Zenica 19.06 . 2002.g.

PREDSJEDNIK
UPRAVNOG ODBORA

Dimitrijević Mirjana, pr.

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10) i člana 96. stav 1. alineja 2. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/02 70/08 i 48/11), Vlada Zeničko-dobojskog kantona na 67. sjednici održanoj 25.08.2016. godine, d o n o s i

ZAKLJUČAK

I

Utvrdjuje se Prijedlog Odluke o davanju saglasnosti na Statut Zavoda zdravstvenog osiguranja Zeničko-dobojskog kantona broj:01-100-2-16/16 od 28.07.2016. godine.

II

Prijedlog Odluke iz tačke II ovog Zaključka upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/16.
Datum, 25.08.2016. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1x Stručna služba Skupštine,
1x a/a.

PRIJEDLOG

Na osnovu člana 37. stav 1. tačka f Ustava Zeničko-dobojskog kantona ("Službene novine Federacije Bosne i Hercegovine", broj: 7/96 i "Službene novine Zeničko-dobojskog kantona", broj: 1/96 i 10/00), a u vezi člana 96. stav 2. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/02 70/08 i 48/11) i člana 23. Zakona o osnivanju Javne ustanove Kantonalni zavod za zdravstveno osiguranje ("Službene novine Zeničko-dobojskog kantona", broj: 11/97,2/98 i 11/98), Skupština Zeničko-dobojskog kantona na _____ sjednici održanoj _____, donosi

ODLUKU

I

Daje se saglasnost na Statut Zavoda zdravstvenog osiguranja Zeničko-dobojskog kantona broj:01-100-2-16/16 od 28.07.2016. godine.

II

Ova Odluka stupa na snagu osmog dana od dana objavljivanja Službenim novinama Zeničko-dobojskog kantona.

Broj: _____/16
Zenica, _____ 2016.godine

PREDSJEDAVAJUĆA

Draženka Subašić, dipl.oec.

O B R A Z L O Ž E N J E

Pravni osnov

Pravni osnov sadržan je u članu 96 Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/0270/08 i 48/11) i članu 23. Zakona o osnivanju Javne ustanove Kantonalni zavod za zdravstveno osiguranje ("Službene novine Zeničko-dobojskog kantona", broj: 11/97, 2/08 i 11/98).

Razlozi za donošenje

Upravni odbor Zavoda zdravstvenog osiguranja Zeničko-dobojskog kantona na svojoj sjednici održanoj dana 28.07. 2016. godine donio je Statut Zavoda zdravstvenog osiguranja Zeničko-dobojskog kantona na koju Skupština Zeničko-dobojskog kantona treba dati saglasnost.

Objašnjenje predloženih pravnih rješenja

Članom 103 Zakona o zdravstvenom osiguranju regulisano je da Upravni odbor Kantonalnog zavoda za zdravstveno osiguranje donosi Statut uz saglasnost zakonodavnog tijela Kantona.

Članom 23 stav 3. Zakona o osnivanju Javne ustanove Kantonalni zavod za zdravstveno osiguranje regulisano je da Skupština kantona daje saglasnost na Statut.

Iz navedenog proizilazi da je potrebno da Skupština Zeničko-dobojskog kantona donese predloženu Odluku o davanju saglasnosti na Statut Zavoda zdravstvenog osiguranja Zeničko-dobojskog kantona.